

雍

熙

樂

府

雍熙樂府卷之六目錄

中呂宮

粉蝶兒

君論着七夕佳期

時遇着七月清宵

節遇端陽

画閣蕭疎

咲臉含春

錦帳羅幃

裹帽穿衫

他生的如月如花

正值着冬至初交

天淡雲閑

玉骨冰肌

心下疑猜

銀燭高烧

下手着迷

描不上小扇輕羅

羊角風楚地楚天

這些時意懶心慵

創立秦都

花落春殘

花落春休

花落春歸

一點情牽

這些時心緒着迷

猛聽的風透疎窗

他生的巧妙身奇

霧鬢雲鬟

渭水箕山

染病耽疾

月姊風姨

春滿尊席

往常時好賄貪財

想着他何日歸程

想着他俏貌風流

從東襲風動松呼

賽社處人齊

朋友同席

送客江頭

壬戌之秋

人都道重九登高

金界香飄

憶寫情詞

今日纔知

子細尋思

歸去來兮嘆人生苦貪名利

江景蕭疎

雙鴈兒聲悲

金盞兒裏倦飲香醪

引的是白鹿玄鶴

性魯心愚

自嘆浮生

冷雨梧桐

旅寄山東

歸去來兮出塵寰綽然恣意

固守寒微

節儉為活

萬卷圖書

三弄梅花

雍熙樂府卷之六

中呂

粉蝶兒

慶七夕

若論着七夕佳期。起金風。漸吹羅袂。端的是蕩池荷
岸柳先衰。你看那遍園林。遶幽砌。蛩聲皆沸。托賴着
聖主洪威。正安然太平時世。**醉春風**喜遇萬民安。欣逢
明聖德。民安國泰。樂雍熙。端的是美。五穀收成。四夷
歸化。萬邦朝會。**醉春風**擺列着佳餚美味。鋪陳着火
棗交梨。更有那珍饈百味。水晶鷄。曲灣。斟玉斝。咲
吟。捧金盃。慶昇平賀七夕。**上小樓**則聽的歌聲韻

美佳鋪標致更列着乞巧穿針走筆飛觥道令藏枚
慶七夕歡樂矣歡娛佳會喜致滿斟玉液要訣兒
遍乾坤四海皆安謐萬載

皇都帝畿萬方朝貢

大明朝慶吾

皇穩勝磐石兵器改為農器用不動征旗掛酒旗昇平
日四方歸向聖德魏尾聲一天月色涼滿街人靜
已年慶賞七夕會祝

聖壽綿延萬紀

粉蝶兒

慶七夕

時遇着七月清宵。景新涼。孟秋天道。你看這暑分光。
月燭風橋。畫堂深。庭院小。郎才女貌。景物蕭條。綉幃
中幾番冷落。**醉春風**喜遇着天上會佳期。人間節令
巧。我則見金風淅淅。透紗窗。猛然間覺。瀟灑情懷。
寸心悽愴。幾番顛倒。**紅綉鞋**我則見玉露滴金風時
到。想當日百子樓宴會清高。則為那西王母下降。賜
蟠桃。衆神仙皆聚會。祝

聖壽永彌高。端的是共天長。同地老。**石榴花**則為這天
星歡會在今朝。致令的人事設佳餚。則他這柳眉星
眼會多嬌。共穿針乞巧。樂意逍遙。一箇香嬌玉軟。

芙蓉貌。列珍饈品物香醪。蘭堂画屋添歡笑。這的是
人物總英豪。**鵲**他每都綵結高樓。鋪陳宴卓。這
的是牛女佳期相逢。相逢是少。致令的鳥鵲填河兩
意招。願神仙下碧霄。擺列着珍果杯盤。恰便似鶯期
燕約。**二月**這的是神仙會却。正值着佳景蕭條。比
着那長生會里。真箇是夜月花朝。豈不聞金井梧桐
葉凋。可又早斗柄回杓。**美良歌**呀。我則見清秋簾幕
捲晴梢。更那堪舞燕回歸却。辭巢。抵多少暑光迎扇
覺初消。仕女佳人笑聲高。喜翫這星橋。歡聲兩意嬌
則願的歲。長歡樂。**尾聲**正值着豐年稔歲時。今日

箇佳期重會早。喜遇着神仙聚會。風光好。則願的歲
歲秋光開乞巧。

粉蝶兒

走驃騎

節遇端陽。慶庭賓萬民歡暢。感吾

皇聖壽無疆。艾如旗。蒲似劍。靈符浩蕩。戶納千祥。鎮妖

氛。禔除福降。

醉春風

文共武御苑中。武和文金殿上。

聖明天子重賢臣。因此上享。射柳爭功。龍舟競渡。騎

驃爭放。

醉春風

喊聲高炒。鬧空蒼。金鼓鳴春雷震響。

馬咆哮爭把門旗望。百丈旗巍。蕩。

紅繡鞋

響鈴

響驃騮爭放。比高低各自斟量。抖搜精神姓名揚。一

箇：施巧藝。一箇：逞能強。恰便似惡相持爭戰場。

石榴花

拖塵趕鏹急心忙。蹬塵邁步脚慌張。揭鞍換

履甚安詳。攢梭在兩廂。蹬裡把身藏。流星趕月如飄
蕩。剪刀股二足着忙。肩庄起範登雲漾。斜挿柳絕妙
把名揚。**調羹羹**最險的是隔肚穿錢。滾髻過腔。身軀
倒仰。彊扳達直挺身軀。金錢豹緊追莫慌。我則見那
左右入鞍。捨身落地久占場。節：高自忖量。打虎的
是存孝威風。射鴈的是英雄李廣。**十二月**一箇單獻
靴雄威氣象。二仙傳道神光。虎牢關三戰呂布。斷密
澗四馬投唐。五馬破曹操怎當。六倒手意急心忙。**美**

民歌呀。七里灘垂釣獨釣隱嚴光。八仙慶壽過汪洋。
星辰九曜顯高強。十面埋伏列刀鎗。進履的張良。關
公斬蔡陽。更有那取經的唐三藏。**耍孩兒**騎鬃倒坐
在烏騾上。三馬解來。往。金鷄獨立家難當。有山
門獻杵金剛。鬼牽龍緊驟定狻猊身。射白猿深將奇
藝藏。張天師驅虎神威降。順風兒側耳。千里眼偷張
一煞前跌塵二足慌。後探鞦兩手忙。鯉魚跌脊隨波
浪。蛟龍出水巴山勢。餓虎投崖撲下崗。鎖搭頭人誇
獎。三上馬心忙意急。五方旗戊巳中央。**二煞**伍子胥
鞭伏了柳盜跖。薛仁貴飛刀起定綠江。昆陽大戰驅

兵將耿恭拜井天心應。敬德威風鎮四方。三鞭澗合
興旺。單雄信割袍斷義。浣沙女抱石投江。**尾聲**寬堯
舜。過禹湯。慶豐年。蒙賜賞。民安國泰邦威蕩。四海來
賓萬民仰。

粉蝶兒

憶情

畫閣蕭疎那里也。玉堂人物間別來音信全無。并鸞
鳳。分鶯燕。生離開比目。病懨懨。瘦損肌膚。粉慵搽朱
唇。懶注**醉春風**。這些時縷帶撻了三分。羅裙掩過半
幅。臨行曾說幾時回。我與你便數。去時節正遇春
分。回來也必然是夏至。到如今又過了秋暮。**醉高歌**

更闌香冷金爐。夜靜燈殘。画燭。今朝有夢歸何處。那
里也。吹簫伴侶。**紅綉鞋**。愁寂寞。縈牽腸肚。病懨懨。瘦
損身軀。鬢雲鬆。意懶甚。時梳。茶飯上無些滋味。針指
上減了工夫。塵蒙了七絃琴。冷了鴈足。**晉天樂**。意徘徊。
心猶豫。知他在科場應舉。朝苑陞除。爭噤在画閣
中。顯耀在蘭堂住。閃的我便冷。清。捱朝暮。想薄
情負我何辜。撲簌簌。兩行淚珠。悶懨懨。九分病苦。氣
絲。一口長吁。**紅綉鞋**。也是我今生分福。多管是前
生合注。那里也。画眉張敞。擲果潘安。傳粉平叔。不弱
似待月張生。偷香韓壽。謁漿崔護。我如今孤辰運正。

該天數

上篇

愁和悶眼倦開悶和愁眉怎舒愁的是

離思慊

神魂飄蕩

鬼病揶揄

悶便似華岳三峯

巫

山十二

黃河九曲

省的骨

嗟命歸泉路

十二月

四時景

光陰迅速

更那堪秋景相逐

疎刺

風搖翠

竹

浙零雨洒蒼梧

画簷間

玎璫

鐵馬戍樓中

滴點

銅壺

元天歌

呀我恰纔望

夫山上問箇實

虛他可在竹林寺

裡寄情書

多管是秦樓謝館

咲喧

呼他敢在柳陌花街

恣歡娛

躊躇薄情忒狠毒

恨不

的扯碎了姻緣簿

要孩兒

趕蘇卿何處

雙通叔我到

做了三不歸

離魂倩女

俺正是碧桃花下

鳳鸞孤山

和水阻隔著萬里程途。山隱、遶天涯怎覓青鸞信。
水茫、遍海角難尋錦鯉書。兩般兒總是無尋路。掩
源洞磚填土塞。武陵溪烟水模糊。身如水上萍。
命似風中燭。月華明忽被陰雲布。藍橋下水波濤萬
丈通海島。祔廟火焰千團接著太虛。兩般兒無情
物。玉簪折何時再接。冰絃斷甚日重續。屋簷漢相如
有日還故鄉。卓文君多情親見汝。一星、盡把衷腸
訴。我把這受過的淒涼慢慢的數。

粉蝶兒

贈美妓

咲臉含春。粉脂融淡霞紅暈。立東風無限精神。寶釵

橫金鳳小。綠鋪雲髮。眉月斜痕。眼橫波不禁春困。

春風步錦襪。感金蓮。拭羅衫。舒玉笋。常言道。明花解

語亦傾城。這話兒敢準。因此上。鴈落魚沉。花羞月

慘。玉嬌香嫩。**紅綉鞋**歌扇掩胭脂。紅褪舞衣。飄蘭麝

香溫。冰絲細織帕羅新。翠裙鸚鵡綠。綉帶鳳鸞紋。玉

鈿蝴蝶粉。**晉天樂**一見了。引人魂。再見了。消人悶。急

追陪金盃錯落。莫辜負。翠袖慙慙。覷一覷萬種嬌。咲

一咲千金俊。手撒紅牙歌清韻。上青山。遇住行雲。腸

斷也。蘇州刺史。心堅也。蒲東僂客。情迷也。洛浦行人

上小樓說甚麼芳卿性純。秋娘丰韻。多應他懶住。蟾

官。私下仙階。謫降凡塵。翡翠屏。錦綉裯。包藏春信。涵
養出嬌滴。帶人身分。**詞**也不索驚兒探春。賓鴻
傳信。憑着這綵筆題情。羅帕留春。索強如織錦迴紋。
酒半醺。粉半勻。把這情郎低問。比着那海棠花更多
淹潤。**詞**錦筵開一派笙歌引。簇擁着一箇娉婷
玉人。舞腰纖細不勝春。羞孜孜。淺笑輕顰。也宜教面
攔干遮護。着瓊花蕊。錦步帳遮圍着玉樹春。酒捧着
金波醞。受用殺銀箏象板。風流殺翠袖紅裙。**詞**輕
聲度艷歌。淺粧凝素粉。東風滿地殘紅褪。一刻千金
意不可

粉蝶兒

憶別

錦帳羅幃。空留下這場憔悴。想人生家苦別離。恨匆匆。愁冗。忘食失寐。困騰騰。眼倦心迷。元來是害相思。恁般滋味。**醉春風**。這此時枕剩夢難成。衾餘愁易得。似這等衾餘枕剩。捱長更好教我悔。發付的你。遠上陽關。悶的人孤。憐寂寞。害的人一絲兩氣。**紅綉**。黃甘。胭脂粉悴。病懨懨。瘦損香肌。急煎。流淚。數歸期。鬧攘。心煩。受磣磕。的苦分離。這此時悶懨懨。愁似痴。**聒天樂**。意躊躇。心憂慮。哀。怨。懨懨。懷。悶殺我年少人。辜負了鸞凰配。早是離人愁縈。

繫更那堪杜宇悲啼。或時在銷金帳裡。珊瑚枕畔將
我這好夢驚回。**上小樓** 美恩情眉南面北。好姻緣鴛
鴦拆離。幾時得攜手星前。並肩月下。同入羅幃。到如
今寶鏡分。釵斷股。簪折瓶墜。正值着惱人。腸物傷人
意。**公篇** 画梁間燕語喧。花柳間鶯轉啼。我這里淚眼
偷觀。愁聞倦聽。景物傷悲。正遇着風雨催。柳絮飛殘
花滿地。我則索掩重門。紗窗深閉。**耍孩兒** 山長水遠
人千里。月缺花殘春又歸。多憂多慮怕黃昏。掩重門
簾幙低垂。更闌夜靜離人苦。燭暗香消怨女悲。捱不
徹淒涼日。打熬出悶懨。日月憔悴了花朵兒。身軀

終尾 不事你撇了我數載餘。淹留我三不歸。若能勾
重整佳期會。則除是一枕南柯夢兒裡。

粉蝶兒

歸隱

裹帽穿衫。習儒風半載不淡。誦毛詩召南周南。尚書
經。春秋傳。子書通鑑。樂府曾讀。詩禪中畧通。詩整辭
春風 論吟和豈獨專。說挈雲非自敢。受寒窗辛苦止
望待立箇成名。陋巷中淹留殺俺。看別人在雲霧
裡昇騰。市廛中踴躍。輪到我在淤泥中着陷。**石榴花**
想區區。虛度五旬三。赤緊的三十載事。魑魅想從前
事務總教參。便有那熊心豹膽。誰敢跳虎窟龍潭。題

起那簪纓名爵其實慘。鴻毫輕豈足為談。我則待要
守寒門養素心不憚。我可也不束髮不簪冠。**關雎**
我煉的金木間關。一任教離官配坎。我將這財利不
貪。愁情。退減。但得此黍粟鮮甜豆粥甘。着麻衣
有甚慚。一心待樂道甘貧。問甚麼傍人笑俺。**正宮**
我則待粧痴作憨。誰想道言多語濫。不求聞達。不謁
高門。不上書牋。我則待隱於農。歸於浦。漁籃樵擔。比
恁那踈龍門不遭坑陷。**六篇**跨着箇駝耳驢。乘一騎
款段驂。我則待挈榼携壺。對月臨風。翫水遊岩。若是
我興正酣。飲正甘。直吃的頭低身探。問甚麼髮刀騷。

土埋塵暗世月利名場徑行見坎風月擔重負難

擔漸的形容踈減看的髻髮髭鬚我將這古往

今來事覽再誰敢違逞貪婪克民歌牙我則待樂簞

瓢陋巷里靜晚一任教守清貧沿路語喃我將

這帶腴脂猪肉旋煎熅帶蛆濁醪着瓢滄放浪醺也

波酣今番識破俺再誰拆朱雲檻耍孩兒避風波家

住在山岩嵌蓋一座不踈漏低草庵麕衣糲食度

流年樂耕鋤孽養此衆蠶常安排一樽醪酒滌塵慮

多喂養幾隻鷄豚欲解饒無驚恐心和淡機頭伴織

梭荆拙燈前引戲綵兒男五煞要清心呵與吾儕三

五人對書齋燈一龕。正夜靜銀海澄。湛。焚着那松
花栢子雲烟。偃。撫着那焦尾冰絃。神鬼森。琴彈罷相
陪伴。茶烹石鼎。酒注磁罇。**四**要釋悶呵。松棚下同
咲歌。石床上共手談。有漁夫樵子傍觀。鑑。未曾終黑
白勝負。碁一着。迅指早紅日西沉。山半含。識進退知
成陷。若論那其中就裡。開爭先機智相挽。**三**要忘
懷呵。將端溪硯水添。把烏犀手內攬。輕拈斑管。將霜
毫蘸。拂開玉板箋三幅。寫出梨園書一緘。問甚麼文
理。跡言詞淡。大剛來情懷意散。就中將名姓包含。**二**
一要樂意呵。看關仝海潮圖。風聲捲水面濤。有王維

輞川圖雲氣生。山頂嵐有龍。眠寒雪圖孟浩然。霸陵
橋驢背如銀鬃。有魏衍松風圖。龍根雲幹龍盤偃。有
肅射梅竹圖。雨意胭脂鳳尾擔。此四景消昏旦。惜性
命粧此粗疎蠢儻。誰敢弄殘生。施逞那僥倖。奸詭
聲。我將這人惡牆砌的高。把是非門閉的嚴。一任教
滿天雷震山搖撼。便有那驟雨狂風也。哨不着俺

粉蝶兒

題美人脚小

他生的如月如花。蕩相裙一鈎羅襪。寶釵橫雲鬢堆
鴉翠眉彎。櫻唇小。堪描堪画。閑近窗紗。倚幃屏。綉簾
低下。醉春風。香細裊紫金爐。酒頻斟。白玉葦。銀燈影

裏端入嬌。他生的可喜殺。他生的宜喜宜嗔。便有
他閑愁閑悶。見了他且休且罷。**仙客**。傍芝蘭吸露
花。遊宇宙步雲霞。我則見窄弓弓藕芽兒。剛半折。踐
香塵踏落花。淺印下輕沙。印一對相思卦。**紅綳鞋**。有
他時一刻千金無價。有他時一生興旺人家。有他時
村沙的化的不村沙。臨風三勸酒。對月一甌茶。說蓬
萊都是假。**普天樂**。信步到海棠軒。閑行至茶蘼架。引
的些蜂喧蝶攘。來往交加。粉臉襯桃杏腮。雲髻把花
枝抹。娘孌孌花陰下。他若是不言語無處尋他。他
比白花解語。他比黃金足色。他生的美玉無瑕。**耍孩兒**

兒透春情說幾句知心話。則被你迤逗殺我心猿意馬。寒窗寂寞費琴書。不由人曉夜思他。傲風霜分不開連枝樹。宜雨露栽培出並蒂花。見一日買幾遍龜兒卦。似這般短促促携雲握雨。幾時得穩便便立計成家。**三煞**捧金杯勸醪醕。按銀箏那玉馬。似展開幅吳道子觀音画。他那里倚鸞翠袖凝秋水。睽日紅裙襯曉霞。但見處人驚說。端的是沉魚落鴈。他生的閉月羞花。**二煞**咲一面不覺的春自生。行一步迤逗人眼倦花。十分愛常熱着三分怕。愛的是三分旖旎嬌千種。怕的是間阻飄零那半霎。天生下一虎口淩波。

機堪與那俏子弟寒時煖手。村郎君飽後挑牙。要教咱稱了心。則除是娶到家。學知些柴米油盐價。恁時節悶減愁消受用殺。

粉蝶兒

慶冬至節

正值着冬至初交。恰纔箇一陽生。漸回天道。我則見凍雲垂四野。飄飄簌簌。簾鋪綉榻。寒侵幃幃。更那堪景物蕭條。四時中最宜歡樂。**醉春風**。你看這黎庶盡謳歌。更那堪官清法正好。似這般堯年舜日樂昇平。端的是少。這的是。

聖主寬仁。賢臣扶助。輔安宗廟。**紅綉鞋**。見如今過舜帝。

堯王之道。端的是用忠良宰輔臣僚。況值着仲冬佳節。景風飄。見處處追歡賞。家家可也設瓊餽。端的是慶豐年。享鳳閣。**石榴花**托賴着吾。

皇仁智勝唐堯。端的是四海盡風調。則願的八方無事。罷兵刀。宰臣每智巧。鼎鼐和調。見如今巍巍。

聖德如山岳。重賢良。文武英豪。臣遇着嚴威凜冽。寒天道。真乃是富貴在今朝。**鬬鷁鴒**。你看這寶殿瓊宮。敢則是龍樓鳳閣。我則見瑞靄靄祥雲。九重九重霧縹。更和這疊翠堆瓊景物。高端的是堪画描。猛然見四野祥雲。敢則是寒風亂掃。**快活三**散天花。瑞雪飄飛。

六出舞瓊瑤也。宜在紅爐暖閣飲羊羔。一任教瑞雪
紛紛落。**龜老兒**。你看這玉闌瓊宮新蓋造。更和這雕
斗泥金罩。是看這紫霧紅光籠罩着。將萬載龍庭照。
見如今民安國泰。年豐歲稔。雨順風調。托賴着魏魏
聖德乾坤道。太平免差徭。**鳳齊**。見如今四序和。八方來
進朝。你看這十邦獻瑞。依王道。齊獻上冬令佳辰太
平表。

粉蝶兒

揚妃舞翠盤

天淡雲開。寫長空數行征鴈。御園中夏景初殘。菊添
黃。荷減綠。秋蓮脫瓣。坐近雕欄。却原來噴清香玉簪。

初綻詞共姝女喜開筵等閑等閑御園中排銷銀

酒注嫩驚黃茶點鵲斑醉春風酒光泛紫金盃茶

香浮碧玉盞沉香亭畔晚涼生將一畚兒揀玳瑁

筵前管絃齊列綺羅香散迎仙客香馥馥的味正酣

嬌滴滴色初妍恰便似九重天摘將來摘將來到人

世間取時難得後罕可惜不生長在長安因此上教

驛使把紅塵販紅綉鞋則不向金盤中托獻也宜將

翠袖擎着端的是絳紗籠罩水晶寒為甚不生在北

地怎生長在南蠻這正是物稀人見罕快活三囑付

那仙音院莫要怠慢教坊司加緊迭辦將一箇太真

妃簇捧定翠盤間。他暢是能結束。宜粧辦。**詞**兒雙
擷起。泥金翠袖挽。比着那月殿裡的霓裳。按鄭觀音
琵琶。準備着彈。你與我斜搭上鮫綃襟。有賢王玉笛。
花奴羯鼓。韻義聲繁。有受寧王錦箏。梅妃玉簫。嘹
聲環。**詞**兒合刺刺撒開紫檀。見黃番綽向前。手拈
板。低低的一聲玉環。太真妃咲時。花近眼。則這紅牙
叫筋。趁五音擊着梧桐。嫩枝柯猶然未乾。上帶着瑤
琴聲範。卿呵。你則索出幾點瓊珠也似汗。**詞**兒
鼓聲繁。羅襪弓彎。玉珮玎琰響珊珊。即漸的舞裊雲
鬟。施逞他蜂腰細。燕體翻。拂兩袖香風馥散。親捧一

杯玉露甘寒。你可也莫得留殘。直喫的夜靜更闌。**銀燈**我則聽的報說道天昏至晚。你索取箇遲疾緊慢。等不的筵上笙歌散。走將來氣吁吁冒瀆尊顏。過來波齊管仲鄭子產。假忠孝龍逢比干。**寶金鼎**險些兒慌殺一箇周公旦。他道是因歌舞戀吹彈。你常好是占奸。早難道羽扇綸巾笑談間破强虜三十萬。**木兒尾聲**端詳了上馬嬌怎支吾蜀道難。嗟峨峻嶺連雲棧。從來不慣。幾程兒捱徹鴈門關。

粉蝶兒

美戀

玉骨冰肌。寶釵橫半鬆雲髻。揜春衫將鶯梳斜依眼。

朦朧。腮堆赤。眉顰翡翠。當不的酒力禁持。不願狂一
團兒和氣。**醉春風**。玉軟在綉幃中。香嬌在錦帳裡。翠
盤中。捧定舞霓裳。端的是羨羨。說不盡風流。看不足
嬌艷。畫不盡可喜。**紅粉怨**。眉淡掃。遠山疊翠。髻高盤
楚岫雲堆。他生的嬌。娉。柳腰圓。比昭君爭些兒瘦。
比西施有些肥。恰便似重生下揚貴妃。**不測也**。恰便
似廣寒宮仙子下瑤池。他生的越素淡越相宜。近着
牡丹叢。芍藥圃。碧蓮池。靠湖山立地。掩映着香肌。他
生的比瓊花多一口兒元陽氣。比的那御園中景物
狼籍。送春情。眼角眉尖意。不由人一見了便看迷。**四**

鵲但能勾半霎兒歡娛。也是咱平生事已。遶玉砌
閑行。把雕欄悶倚。引的那蝶使蜂媒來往飛。半霎兒
歸去的疾。滴溜溜鴈落平沙。撲刺刺魚沉水底。**卜**
攪拆散了鸞孤鳳隻。空說下山盟海誓。寂寞嬌容減
盡風流。瘦損腰肢。錦被底翠屏倚。覷瞻仔細。恰便是
玉天仙降臨凡世。**卜**頭兒不歡梳。臉兒不待洗。鬢亂
宮鴉。眉顰翡翠。手褪柔荑。行坐間。魂夢裡。一絲兩氣
弄春嬌海棠無力。**耍孩兒**他生的一團兒和氣天然
美。無半米兒塵俗氣質。命丹青寫入錦鸞箋。端的是
堪憐。堪愛。堪題。比觀音少一枝楊柳。瓶中挿。無一箇

魚籃兒手內提。觀不盡風流勢。他端的有千般淹潤。
無半米兒查立。**四煞**他比玉呵玉則是白。他比珠呵
珠則是赤。兩般兒珠玉應難比。他比玉呵素皎潔光。
膩膩添些滋潤。比珠呵紅艷麗香馥馥有些肉體。一
見了留情意。攬一攬身蘇骨軟。靠一靠魄散魂飛。**三**

煞他咲呵一似秋蓮水面上開。他語呵一似春鶯花
外啼。他行呵一似海棠嫩舞東風裡。他操一曲庭前
神鬼皆來聽。他謳一曲天外行雲也倦飛。他寫一筆
龍蛇體。胸懷中包藏著錦綉。舌尖上調弄出珠璣。**二**
煞我想他行坐間。他想我魂夢裡。美恩情爭忍相拋。

棄我無他蕭疎了書舍空閑了榻他無我寂寞深閨
悶掩扉心相憶但霎時不見相呼相喚但行處相趁
相隨一煞一箇到晚來悠悠的品着紫簫一箇低低
的操着綠綺佳人才子相逢會早忘也門夜雪書千
卷博得箇滿抱春風玉一圍說不盡留情意受用足
錦帳裡煖融融千般旖旎都忘了寒窗下冷冷清清一
陣孤恁歇拍我不去呵明倫堂欠我作揖我不去呵
止不過會賓堂停了我會食我不去呵惡了我同堂
共榻諸相識悞了春場閑了選我其實去不的

粉蝶兒

遠行

心下疑猜。俺男兒慣曾出外。受了些無人烟日炙風
篩。一來是為邦家。二來因公幹。三來與國家除害。好
是傷懷。怎當那滿懷愁一天雪大。**醉春風**飛柳絮剪
鵝毛。粉粧成銀世界。瓊花亂糝在室中。天氣兒好歹
歹。身上單寒。肚中饑餓。站車搬載。**紅綉鞋**猛聽的一
聲驚悸。莫不是俺官人認的明白。多管是軍陣中受
驅馳。恰回來。雪迷了人踪跡。風吹我眼難開。常言道
在家好敬客。**官河四**皓首蒼顏老宣差。駕車的心怯。
都麻叻咬兒。只不毛兀刺你與我請過來。倘或間些
兒箇無甚麼管待。休笑我這女裙釵觸犯着你箇官

人也少罪來。**補海令**。哎。你箇岸答的官人。你便休恠。

若有俺那千戶見了你箇多才。這其間殺羊造酒宰馬敲牛。為男兒不在。帳房裡沒甚麼沒甚麼東西東西。這的五隔。一來是為人在客。二來甫年高。三來是看上敬下。怎敢小覷俺這腰間明滴溜虎頭牌。**古竹**。**馬**齊上馬離轡帳。趕站車步壓埃。虎蘆站有妖恠。李陵站最難捱。罕虎蘆站上平川地。阿阿站上不停鞋。白馬河站上入烟少。走乏的那鋪馬最難捱。俺那里怨無這嶺黑河水。淡烟籠罩李陵臺。我說的話明白。你與我記心懷。老官人休咲龐魯的旗婆。到無甚麼。

管待安插。二、三秋有朝一日。來到俺沙陀。道是騰忙里。取曲律撒銀那。顏托賴着天地氣力。帝王福蔭。身奇安樂。馬無疾病。岸答官人。哎。你箇囊篋的房子裡。那顏咬兒。只不毛兀刺。你與我請過來。

粉蝶兒

秋夜傷情

銀燭高烧。畫樓中月兒。綉簾前花影。輕搖翠屏。閑鴛衾。刺夢魂初覺。覺來時香汗初消。更那堪。綉幃中冷落。野春風珠簾上玉玳瑁。金爐中香縹渺。彩雲聲斷紫鸞簫。那其間。惱惱萬種淒涼。幾番愁悶。一齊都到。晉天樂。露浥的海棠肥。霜壓的梧桐落。金風漸

浙玉露瀟瀟雲中白鴈飛。砌畔寒蛩叫。夜靜離人添
寂寞。越教人意。攘心勞。眼橫秋水。雲埋楚岫。浪起藍
橋。十二月淡氤氲。爐烟縹渺。昏慘慘暮景蕭蕭。低矮
矮幃屏靜悄。冷清清良夜迢迢。悶懨懨把郎君去了。
急煎煎心痒難撓。**吳民歌**。呀。愁的是雨聲兒浙零零
落。滴滴點點碧剝剝。芭蕉。則見那梧桐葉兒滴
溜溜飄悠悠蕩蕩。紛紛揚揚下溪橋。見一箇宿鳥兒
忒楞楞騰出出律律。忽忽閃閃中過花梢。不覺的淚
珠兒浸淋淋漉漉。撲撲簌簌濕鮫綃。今宵。今宵睡
不着。轉轉傷懷抱。**吳民歌**。銀燭淡淡光。先照瘦影兒。

孤燈對着。教人怎不自量度。惹煎煎業眼難熬。虛飄飄魂迷了。枕上蝴蝶夢。唉吟吟喜喜歡歡。鸞鳳交相。思病難醫。療雲收雨歇。魄散魂消。**唐**怕的是玳瑁。瑞鐵馬敲。病懨懨精神即漸消。從來好事多顛倒。好着我短嘆長吁。到不的晚。

粉蝶兒

風情

下手着迷。起初時和咱有意。受了些不明白暗約偷期。恹恹的有人知。相識每問這一場做的來。掀天播地。避不的閑是閑非。正歡娛。怎知道相離了一日。**解**
春風若說他實意有千般。我虛心無半米。我為你家。

私不顧悞了前程。都則為你你。怎能勾千經千隨。他
生的百嬌百媚。幾時得一家一計。**紅綳鞋**我和你曾
沾些恩義。負心的活不上三十。若說着你心中情意。
我皆知爺娘行耽了些驚怕。女伴每受了些驅馳。則
你那志誠心誰似你。**石榴花**將你那小名兒那一日
不在口中題。題起來魂夢裡越着迷。但朦朧活見在
眼根底。我其實的為你。廢寢忘食。霎時間不見添憔
悴。央及殺淚眼愁眉。盡今生同坐同歡會。我其實搬
不下女嬌質。**閉門怨**離離了二日三朝。似隔着千山
萬水。花月身軀。玉容玉容般面皮。他生的百媚千嬌。

恰二十。更那堪容貌美。不能勾燕侶鶯儔。則有分鸞
孤鳳隻。**上山樓** 拆散了鸞孤鳳隻。空設下山盟海誓。
見如今人講風情。說你襟情。是是非非。假若是我瞞
着你和別人知心可意。則說你心中氣也不氣。**公**想
當初你看上了咱。咱一心兒順了你。想着我似水如
魚。知心可意。一家一計。猛可里把咱來不揪不覷。但
合眼夢兒中完聚。**耍孩兒** 本是朵海棠花。初綻在名
園內。枉惹的鶯燕蜂蝶亂飛。俏心兒則待要强胡為。
我怎肯將你低微。嫩枝稍不奈狂風擺。顏色兒嬌不
禁那驟雨催。倚仗着風流勢。枉惹的蜂媒蝶使。着那

等謊漢每猜疑。**尺素**。我將你眼睛般。厮覷當。性命般
看待你。偶或間顯出些薄情意。我可便硬抵着牙兒
恨殺了你。

南北粉蝶兒

西湖十景

描不上小扇輕羅。恰便是真蓬萊。賽他不過。雖然是
比不得百二山河。一壁廂嵌平堤。連綠野。端的有亭
臺百座。暗想東坡。逋仙詩有誰酬和。**南塘事近**。謾說
鳳凰坡。怎比繁華江左。無窮千古。真箇是勝跡極多。
烟籠霧鎖。遠六橋翠嶂如螺。挫青藹。鵲山抹柔藍。碧
澄澄水泛金波。**玉石榴花**。我則見採蓮人和採蓮歌。

端的是勝景盛其他。則他這遠峰倒影湛湛着清波。晴
嵐翠鎖。怪石嵯峨。我則見沙鷗數點湖光破。咿咿啞
啞。槽聲搖過。我則見女嬌羞倚定雕欄坐。恰便似寶
鑑對嫦娥。**詞科**東風緣何。樂事賞心多。詩朋酒友
吟哦。花濃酒醖。破除萬事無過。嬉遊翫賞。對清風明
月安然坐。任春夏秋冬。適興四時皆可。**玉蘭鵲**

鵲開攘攘急管繁絃。齊臻臻蘭舟画舸。嬌滴滴粉黛
相連。顛巍巍翠雲萬朵。端的是洗古磨今。錦綉窩。你
不信是觀波。綠依依楊柳千株。紅馥馥芙蓉萬朵。**南**
璞風送蕙香。月穿岫雲破。清湛湛水光潯嵐

碧響瑤瑤晚鐘敲破。嗚咽。嗚咽。猿啼古嶺。見對對鴛鴦
戲看清波。迢迢似漁舟釣艇。碧澄澄滿船雨笠共烟
蓑。**上小**。密密那一窩。束刺刺這幾夥。我這里
對着晴嵐。倚着青山。湛着清波。微雨初收。微烟初散。
微風初過。却是再休題淡粧濃抹。**南**。疊疊
層樓畫閣。簇簇奇花異果。遠遠的綠莎茵。茸茸的芳
草坡。忙蹺蹺馬蹄踏破。隱隱似長橋跨坡。細裊裊綠
綠金波。迢迢似漁舟釣艇。碧澄澄滿船雨笠共烟蓑。
餘音。陰晴晝永皆行樂。古往今來吟詠多。雪月風花
事事可。

粉蝶兒

蘇武牧羊

羊角風。楚地楚天。鷲毛雪撲頭撲面。恰便似落瓊花。
粉甸山川。接天涯。侵海角。都凍做寒水一片。休笑俺
牧羊人。聳定雙肩。你便是鐵石人也凍的。撼頭打戰。
醉春風 雪打的我眼難開。風吹的身倒僵。似這般風
吹雪打。蕩散了群羊。漫山中徹徹的顯顯。單于王地
占了三山。漢武帝早分了千頃。蘇武呵幾時能勾戶
封八縣。**山坡** 我這里望塞邊。則聽的鴈聲喧。元來
是這舞寒風。漸離了雲漢遠。呀呀的一聲低。忽忽的
兩翅軟。有分的正落在我根前。莫不是天與俺行方便。

石榴花

這一封寄帛書。全央你箇塞鴻傳。則要你來

風勢駕雲軒。者莫你宿蘆花穿柳岸。過平川。哎。鴈也。

休戀着水食地面。將日月俄延。則你那六稍翎疾隄

防着鵬翎箭。慕然間禱告青天。願孤飛影裡青雲現。

便休題風緊鴈行偏。**閉鵲鵲**。你若到富貴中華。尋取

那皇宮內院。你過的天塹黃河。那的是長安建都建

都地面。我這里專等招賢武帝宣。單于王若可憐。我

則去那凌烟閣上標名。哎。鴈也。你索在那禽書中把

你姓顯。**快活三**。見一人下的駿駝。直來到我根前。元

來是李陵兄弟到居延。兄弟也。莫不是我作念的你

魂靈兒現朝天子你住漢苑我居在塞邊誰想這各
兒重相見則俺丹霞去的武帝撇下禁苑漢社稷誰
請個你一般兒武職文臣隨朝遷轉你問我這和番
的怎生過遣我離皇都數年盼中華地面幾時能勾
拜舞在金鑾殿止小殿謝你箇兄弟可憐將你這哥
哥錯見謝兄弟不避驅馳遠遠而來置酒張筵我則
這腹內冤口內言向誰行分辨我這里望長安茂陵
澆奠公偏非你愚非我賢不尤人不怨天喏若是犯
法違條罪若當刑死而無怨赤緊的我家屬您親戚
都遭刑憲不知是怎生了俺滿門良賤哭淚兒願兄

弟腰金私紫身榮顯。父鎮着雄威地面。聖人云死生
由命在於天。免的俺妻男婦女遭愆。我情願再受塞
上十年苦。不戀您腰間金印懸。舉意而甘貧賤。常則
是隨旌而立。每日家冒雪而眠。**四煞**兄弟你官差不
自由。我饑寒守自然。咱便得功名休相道。身榮顯休
笑我持一竿。漢節隨羊後。強如您列兩行。朱衣在馬
前。兩般兒各自人心戀。不由人悲悲切切。常則是兩
淚連連。**三煞**這領新皮襖。毛兒恰正軟。舊皮襖。羊毛
兒不甚搭。何時趁得平生願。則你那錦衣綉襖輪班
兒着。不如我皮襖皮裘換套兒穿。兩般兒自把清濁

辨。您穿的粧身扮體。爭如我赤手空拳。**二**您你為官
有望加。我牧羊不驪前。似這般無情日月難消遣。則
你這李陵咫尺六七載。誰不知蘇武爭襟十九年。我
於漢國心無倦。你休忘了李陵臺上。我不離了蘄武
坡前。**一**您那里有淋淋雨若絲。常則是紛紛雪似綿。
颼颼風緊疾如箭。幾曾見茸茸芳草生南陌。儘一眼
漠漠平沙際碧天。這蒼兒凍餓死誰人見。想教人十
親九故。盼殺我也八水三川。**三**您比着那漢武帝將
我來宣。兄弟也全仰你單于王根前保奏的言。則我
這一鞭行色歸心戀。遙望長安路兒遠。

粉蝶兒

離思

這些時意。懶心慵。悶懨懨似痴如夢。想當初倚翠偎紅。我風流。他俊雅。恩深情重。他生的剔透玲瓏。語容和言談出衆。**醉春風**他生的粉臉似秋蓮。春纖如嫩筍。鞋弓襪小。步輕盈。更能歌善詠詠。鴈柱輕移。冰絃款撥。便是那鐵石人也心動。**紅綉鞋**指望待要湖山畔。乘鸞跨鳳。誰承望陽臺上雲雨無踪。則我這口中言都當作耳邊風。冷落了蜂媒蝶使。稀疎了燕侶鶯朋。多應是攪閑人將話兒哄。**別銀燈**俏冤家風流萬種。他也學七擒七縱。把我作勤兒般推磨相調弄。我

這里假粧痴件件依從。又則怕傷了和氣。觸着芙蓉。
假和真你心裡自忖。**葉子孫**你常好是不知輕重。動
不動皺了眉峰。水霜般面扁。若是箇村紂的和你兩
箇乍相逢。他把你那半世兒清名送。**柳耆卿**這此時
稀疎了詩賓。和這酒朋。悶來後共誰同。一任教花紅
和這柳濃。有何意戀芳叢。則這詩書禮樂不待攻。端
溪硯塵埋土蒙。紫霜毫乾燥了尖峰。赤緊的缺了鸞
箋。無了香翰。無香翰怎題紅。**道合**離恨匆匆。天
涯咫尺不相逢。覓鱗鴻杳無踪。濛濛霧鎖桃源洞。漫
漫水泛藍橋湧。雪浪雪浪泊濤洪。秋廟秋廟火飛紅。

翠衾空。人悶。玉。青。簾。錯。把。衣。衾。送。藕。絲。微。銀。屏。重。
比。目。魚。活。水。凍。小。卿。道。把。雙。郎。送。鶯。鶯。遠。却。離。張。璠。
柳。殺。錯。將。家。書。奉。張。生。煮。海。金。錢。夢。恨。盛。眉。峰。愁。積。
心。中。怨。恨。無。窮。何。時。得。玉。環。合。金。釵。轉。對。對。對。上。
青。銅。

粉蝶兒

十面埋伏

創立秦都。漢三傑。盡忠人物。憑着這黃石公三卷天
書。一來是子房功。二來是蕭何智。都把這三軍擺布。
大將軍智壓孫吳。我覷那楚重瞳有如無物。
醉春風 收六國捲三秦。播清名一萬古。築壇拜將用。

賢良。蕭丞相舉舉。暗渡陳倉。明修棧道。真天子百靈
咸助。**紅粉**。困滎陽。英雄發怒。火焚了紀信身軀。將
沛公在鴻門會上。廝追逐。呂馬通隨着鑾駕。陳都尉
便趲着軍卒。看俺這韓元帥定一箇漢楚。**石榴花**。聖
明天子百靈扶。大將軍有機謀。托賴着漢君王聖主。
有洪福。都一般俸祿。兩等遷除。雖然進西施。上不得
功勞簿。他曾着戰策兵書。量這箇丁么雍齒。成何物。
他便會文兵武待。何如。**關雎**。他便會握霧擎雲。我
也會呼風喚雨。鵲自尋巢。輕如輕如糞土。量這箇舉
鼎拔山。夸鐵夫。微臣根前怎過去。縱他計有千條。走

不出龍潭虎窟。上樓四下里旗幡亂舞。八方里軍

兵擺布。殺的他羞。遶齊邦。懶歸燕趙。恥向東吳。那其

間軍又無。將又疎。孤行獨步。來日箇到烏江。自無船

渡。爲韓元帥明明的傳了將令。子房公暗暗的散

了士卒。閃的他直至江邊。架着孤舟。酩子里扮做箇

漁夫。憑着子房謀。整隊伍。把他在垓心裡圍住。飛不

過浪滔滔大江東去。滿屋。哎。你箇英雄霸王。想當

日指鴻溝爲界。創立東都。貪財擲了秦皇墓。秦宮內

粉黛遭誅。休嘆這胯下夫偷瓜盜粟。却端的有撥天

關定乾坤安社稷。權術軍過問陳倉路。俺這里兵熊

將虎到來日。穩情取一箇會。坡下見箇贏輸。**快活三**

丹墀內忙拜舞。玉階前紫山呼。豁達大度世間無。大

開取賢門路。**國令**我王是箇聖主。霸王是箇勇夫。

怎消的百二山河路。空做箇堂堂大丈夫。便死也無

名譽。扶立劉朝。英傑相助。我王是紫金龍。微臣是白

額虎。非微臣謬語。忠心待破楚。我則待扶立得江山



固。**十二月**這的是重瞳項羽。他可怎生小覷俺這征

夫。欺負俺沛公軟弱。拜韓侯統領軍卒。鞍上將如狼

似虎。走不出十面埋伏。**完****隊歌**呀。則俺灌嬰盧綰英

布彭越用機謀。更有那周勃周昌樊噲都尉悄悄促

促的暗埋伏。殺的那西楚霸王一人一騎。要上東吳。則聽的搥鼓篩鐃。吶喊搖旗。五侯人馬當攔住路。一聲長吁。軍兵一箇無。將重瞳。吸賺入陰陵路。**耍孩兒**氣撲撲。按不住雷霆怒。統大勢干戈便舉。衆兒郎。唯備定機謀。向槽頭牽轉龍駒。前先鋒持一技定乾坤。安社稷。搗金面。捍方天。戟後合。後使一柄攻。必取戰。必勝。鐵桿朱纓倒馬轟。九江王使一柄明晃晃。燦爛。月樣開山斧。憑戰策。南征北討。按兵書。東蕩西除。**七****煞**到來日。喊殺聲。鬧了戰場。蕩征塵。遮了太虛。殺的箇楚重瞳。對面無心取。高聳聳。噙魏魏。四圍山頂遍。

地密匝匝軍屯滿。番滾滾浪滔滔萬里長江漸漸的
都着馬飲枯。四下里都攔住咽喉路。三畧法軍兵點
聚。六韜書隊伍潛伏。那韓信龍鱗凱久探披。獅
蠻帶能結束。虎筋條緊緊的牢拴住。寶鐵胎香檀靶
鵲樺弓斜掛向雕鸞油漆飛魚袋。紫金釵阜鵬翎狼
牙箭輕挿入鋪翠插金走獸壺。殺的有去路無回路。
直熬的他筋舒力盡。使不的你膽大心虛。一壁
廂蕭何運草糧。周勃統士卒。莽樊噲助喊聲。鳴金鼓。
慣相持慣對壘。大將盧綰排軍陣。能舌辯能言語才
智。隨何下戰書。陳都尉緊緊的牢防護。百萬軍週圍

下寨。九里山十面埋伏。**四**漢主向寶帳中悠悠的
奏樂聲。子房公在天蓬山暗暗的用智謀。笛吹散楚
歌聲回去。吹的八千子弟鬧垓垓。急攘攘都把軍隔
散。四顧着營盤中帷幄下。冷清清靜悄悄三軍一箇
也無。他都聽音律。思鄉故。使不的你滅秦朝。拔山舉
鼎。刺懷王霸業爭都。**三**呂馬通緊緊的隨後跟。伏
路軍急急的催戰鼓。殺的箇楚重瞳。驟龍駒緊隨定
虞姬女。夫別婦恰便似管娃官。西施女悲切切深閨
內。離了吳帝。婦別夫恰便似晉石崇。金谷園高樓上
哭啼啼墜了綠珠。生死分前路。玉纖手忙擎寶劍。磔

可可血模糊。美艷嬌姝。**一**到烏江逢漢軍。恰便似
朝歌城滅了紂王。不弱如魏龐涓在馬陵道。樹下身
遭苦。能飛也飛不出齊田單火牛陣。即墨城密密匝
連環陣。快逃也逃不出孫武子長蛇陣。亂紛紛八卦
圖。也是他命盡合休處。使不得啼鳴叱咤。只落的短
嘆長吁。**一**彭越將隘口防。灌嬰將船棹舉。方信道
烏江不是無船渡。先賺了黃金鑾寶雕鞍繫尾。趁日
能行千里烏騅馬。後奪了鎖子金連環。慣海獸絲
綉團花錦戰服。將兵器先收取。橫屍在白金劍下。自
刎了七尺身軀。**一**一心待扶立劉舉。意滅項羽。將

一箇楚重瞳。生逼入陰陵路。人共馬。金然做不的主。

粉蝶兒

思情

花落春殘。舞東風。亂紅飄散。黛眉顰。寶鑑空閑。似這般苦想思。活地獄。幾曾經慣。隔天涯。何處雕鞍。望關河。杳無魚鴈。**醉春風**。粉臉帶。臉憔悴。香魂和夢返。一天風月。冷陽關。暢好是。懶懶。看了這鎖。迳蒼苔。撲簾柳絮。遶欄花。辨**迎春**。零落。淹淚眼。鎖愁顏。青絲半堆雲。亂挽我。則道歌鞦韆。閑画板。不能勾。遣興消煩。則落的。一口兒長吁嘆。**紅綉鞋**。盼子。盼佳期。枉盼。難應難要。見應難。信音慳。端的是。信音慳。罵子。罵誰行。罵還子。

還幾時還。捱子捱捱不得。慊慊紅日晚。**卜月** 鶯慵
燕懶。鳳隻鸞單。似這般。雲酸雨澁。端的是蝶亂蜂煩。
霎時間。香消篆冷。捱不過。夜靜更闌。**君民歌** 呀。好着
我月下聞箏。綉衣寒。吹簫臺上。綵雲殘。香羅猶帶淚
痕斑。琵琶塵暗。不曾彈。愁煩愁煩。朱門緊閉。關風弄
的銀缸燦。**西窗兒** 金針綉作。皆踈懶。方勝同心。倦挽
迴紋。織錦斷腸詩。無青鸞寄不到。雲間。屏開孔雀金
翎斷。衾剩鴛鴦翠羽寒。倚枕春魂散。夢中喚覺。萬水
千山。**尾聲** 離恨多。離恨多。相思罕。相思罕。乍相逢。使
不得。嬌粧扮。只除是錦被裡。朦朧再合眼。

粉蝶兒

題情

花落春休。遍園林綠肥紅瘦。樹梢頭忙煞鳴鳩。燕調
雛。鶯喚友。呖呀呀把東君迤逗。撲珠簾紫拂香綈。釀
清和晝長時候。**醉春風**情默默似傷春。病懨懨如害
酒。想紫騮何處繫垂楊。到如今久久。踏翠錢羞步瑤
堦。卜金錢徒勞玉笋。整銀錢倦焚寶獸。**卜金錢**閑散
心。倦凝眸。隔花陰。聽得數聲黃栗留。好教我喚小
丫鬟疾忙走。你與我將綉簾忙綰下金鈎。子怕鶯咲
我。龐兒瘦。**紅粉**瘦則瘦不似今番憔悴。愁則愁强
如往日憂愁。休則休今後怎生休。我呪則呪敢向人

前呪他。謂則謂。豈敢在俺行。謂醜則醜。不似今番出。
畫醜。**石榴花**。一聲長嘆。强登樓。空極目。見無由。山遙
水遠。路悠悠。幾時待要罷休。兜的又上心頭。行思坐
想。無昏晝。甚時諧燕侶。鶯儔。溫淚痕。湮透羅衫袖。忍
不住。撲簌簌。淚交流。**關鵲鵲**。我這里。慄綠愁紅。他那
里。眠花臥柳。我這里。廢寢忘食。他那里。閑茶浪酒。這
暑往寒來。春復秋。空房中。獨自守。我這里。冷冷清清。動
歲經年。他那里。熱火火。停眠整宿。**上小樓**。子俺害的
相思證候。病入在膏肓。難救。看看的。骨似麻。梢氣若
遊絲。命似浮沤。幾番家。回綉閨。拈綉針。無心挑綉。想

起那暖鴛鴦越添倂懣。他越于樣心。蜜鉢似口。巧
語花言。賺得我密約幽期。又和誰淺酌低謳。想着那
磔可可枕畔盟。恁邊誓。神前設呪。看你這負心賊受
那不受。**滿庭芳**于飛配偶。虛耽恩愛。遙受綢繆。調羹
指鴈難能勾。負良宵香冷貪儔。倚綠窗空淹淚眸。到
不如上青山化做塊石頭。好姻緣難成就。番做了夢
辰卯酉。一筆盡都勾。**十二月**我五行中合當迤逗他
八字內該載狂遊。輪不到紅鸞天喜。單注着織女牽
牛。便是他孤辰寡宿。到七夕樂以忘憂。**兒民歌**呀。他
兩箇咲吟吟歡會訴離愁。悄窸窸私語話緣由。偏我

靜峴峴獨自箇數更籌。幾時得喜孜孜談笑泛金甌。
藏閣藏閣別離况味。酬再不人約黃昏後。**尾聲**畢罷
了。煖烘烘香嬌玉軟。流蕪帳。花撲撲翠遶珠圍綠瑣。
窓斷絕了。帶雨尤雲業情況。告辭了。花燭洞房打疊
起笙歌教坊。從今後蝶使蜂媒再休想。

粉蝶兒

閨思

花落春歸。怨啼紅杜鵑聲翠。遍園林景物狼藉。草茸
茸。花朵朵。柳搖深翠。開遍荼蘼。近清和困人天氣。**醉**
春風粉煖侵蜂鬚。泥香嚙燕嘴。遲遲月影上簾鉤。猶
自未起。起為想別離。倦余梳洗。暗生憔悴。**迎仙客**獸

爐香篆息。鸞鏡暗塵迷。綉床幾番和悶倚。腕消金釧

恹。釵橫翠鬟委。屈指歸期。不覺的粉臉流紅淚。

雜花開盡空閑。鴛砌日初長。靜掩朱扉。繫垂楊何處

玉駢嘶。落誰家風月館。知那里燕鶯期。細叮嚀不記

得**十二月**正交頸鴛鴦。拆離恰雙棲鸞鳳。分飛。效比

翼鷦鷯。獨宿。樂于飛燕燕孤恹。傳芳信歸鴻杳杳。盼

音書雙鯉遲遲。**元氏歌**呀。因此上美甘甘風月。又相

違。冷清清雲雨杳無期。靜晚晚燈火掩深閨。清耿耿

離魂遶孤幃。傷悲。雕鞍去不歸。都則為辜負韶華日

要要兒自別來無一紙真消息。日近長安那里。倚危

樓險化作望夫石。暮雲烟樹淒迷。把春心幾度憑歸
鴈。勞望眼終朝怨落暉。到此際愁無味。昏秋水揉紅
淚眼。淡春山感損了蛾眉。**詞**想當初效吹簫月下
歡。笑藏闌花底杯。到如今花月成淹滯。月團圓累被
浮雲閉。花繁燭頻遭驟雨催。落花殘月應何濟。花須
開謝。月有盈虧。**屋**嘆春歸人未歸。盼佳期未有期。
要相逢料得別無計。則除是一枕餘香夢兒裡。

粉蝶兒

憶情

一點情牽。濕春衫淚痕湮遍。倚危樓望眼將穿。則我
這柳眉攢花黛恨。花共柳替人愁怨。無限春煩。我愁

時有誰曾見。醉春風。瞞不過月暗紗窗前。燈昏羅帳

遠。似這般燈昏月暗。影兒孤。著小生心兒裡轉轉。一

會家思量。數番家沒亂。幾遭驚戰。四圍間阻。又經年。

偶然。偶然重相見。易得鸞膠接斷絃。勸老兒望

夫石恰待要會面。祇廟火騰騰也似飛電。將一塊望

夫石恰便似石灰般煉。望夕陽一道兒清烟。別銀燈

玊玊的簪折了玉。撲簌的瓶墜了泉。俺知他是一年

也。那半年。若稱了平生願。結束了好姻緣。我這里告

天。赤緊的吐不出。嚥不下口中涎。怎能勾兩口兒尋

常便。快活。當初我生的來。忒腴腴。他醜的。不堪憐。

若是我村他醜兩無緣。道省的相留戀。**夢**青衫俊俏
的蘇卿雙解元。風月殺臨川縣。標致的元和逢着箇
李亞仙。他兩箇炒開了悲田院。若是他心我心同心
相愛同氣相連。他情我情如膠之固似漆之堅。**尾聲**
若是他死在我先。我亡在他前。想人生難保長康健。
則我這寸心不戀。將我這俏魂兒雙引入黃泉。

粉蝶兒

香閨憶故人

這此時心緒着迷。不承望這場憔悴。俺雖是意相同
歡喜夫妻。效鳳凰同連理。青春匹配。到如今魚鴈分
飛。音信絕不能歡會。**醉春風**消閑了釵頭黃。更

和湘裙拖綠水。寂寞了蘭堂。回閣綉鋪裯。空教我便
悔悔。到如今粉淡胭消。蛾眉空掃。漸鬆雲髻。**新夢佳**
則為你龐兒整衣冠清致。他端的勝潘郎。俏貌容儀。
則他這七步才吟詠吐珠璣。我愛他心聰俊。更一部
志誠實。端的是共仙凡難論比。**石猶花**想着我便為
尋芳一自會佳期。倦端的相守教于飛。更那堪憐香
惜玉喜追隨。似鴛鴦戲水。交頸蓮池。則他那偎紅倚
翠。堪人意。動人心。句義情實。恰便似劉晨誤入桃源
內。真乃是仙契永難離。**關鴈鴒**指望得地久天長。敢
則是團圓到底。枉教這蝶使蜂媒。鶯花。。。咲恥。幾

時得重向鮫綃錦綉幃。叙鸞單鳳隻。再會這義滿姻
緣。敢則是如膠似漆。**正** 俺可便如魚似水。同心
同意。俺在那月底星前。携手相將。我曾相離。到如今
你向東。我在西。何時完備。則俺這並頭蓮。甚時周濟。
公 篇 往常是兩意歡。到如今音信稀。空教人倒枕垂
床。悶倚幃屏。似醉如痴。不由我長歎息。兩淚垂。啼天
哭地。怎能勾好姻緣。兩情恩意。**正** 當日箇遇裴
航仙。偶藍橋驛。你昨橋梁下尾生自痴。不學那襄王
神女夢著迷。陽臺下霧散雲移。指望待夫妻諧老同
完聚。更和這兩意交歡福祿齊。不承望半路里相拋。

棄。越著這柳榮花艷。休辜負燕約鶯期。**詞** 我將這
鴛鴦被。蘭麝薰。綉幃屏再整齊。則俺這俏冤家有日
重相會。索強如一枕南柯夢兒裡。

粉蝶兒

思憶久別

猛聽的風透疎窗空閑了錦鴛幃。繡衾寶帳。感蛾眉
愁對銀缸。數歸期。曲纖指。間阻了。經今一向。上心來
無語彷徨。則被這兩般兒。越添惆悵。**詞** 愁的身
無主。玉釵分。腕消閑。金釧響。自從他阻佳期。一去音
無音。不由我。想想常記着。帳內歡娛。枕邊恩愛。被鶯
紅浪。**詞** 這此時瘦恹恹。耽病疾。意痴痴。懶梳粧。

我這里猛然間自思多半晌交歡處會溫存。貪戀處
能簡當。喜的是孤鳳求凰。不由我常記在咱心上。**詞**
詞往來時好姻緣。將厮候。到如今。義恩情永遠。
天長。送的我廢寢忘食。受淒涼。空閑了裙拖湘水綠。
釵插鳳金黃。這相思滋味廣。**上****月**不由我三魂蕩。
潑惱亂殺九曲柔腸。畢罷了百年繾綣。虛度了數載
時光。果孩孩眠思夢想。永彌漫地老天荒。**兒****歌**呀。
送的我天南地北不成雙。你東我西各分張。想着我
傾心吐膽在他行。義斷恩絕越着忙。則為那情也波
郎。腰肢瘦損傷。這些時連夢在陽臺上。**兒****歌**生疎了

娘娜嬌。分散了蘭麝香。則俺這俏夫妻有日同鴛帳。
我則待重斟美醞酬佳況。幾時得會鶯鶯細細的講。

粉蝶兒

題促織

他生的巧妙身奇。住中央清涼之地。節陰陽改變了
容儀。夏初生。直待得白露降。恰成了匹配。堪愛堪題。
長在那土坡中。快活似塵世。**醉春風**書語內喚做寒
蛩。世俗人呼做促織。似金蟬脫殼。感人情。聲音兒叫
的來好義美。雖居在天地之間。荒郊野外。姻緣相配。
迎仙客邀朋友疾便行。今日箇出城西。將着那紫竹
的過籠兒。向瓶中提着寧水。到荒郊叫一聲兒走似。

飛。低着腰在牆眼裡胡吹。尋不見惱亂的柔腸碎。

綉鞋

在窩中爭雄相覷。尋我的躡足輕踪。走到根底。

他將那吹桶牽杖。急忙催趕的。我怎躲避。款款出牆
圍。他見我這形容兒。心上喜。**公**這促織端然無對。雙
鬚全尾似尖錐。不曾見這促織生的來。或為魁。三段
錦天生就。端的是世間稀。誰想我擎住你。**滿庭芳**定
睛的端詳了半日。他說我身長一寸。匾濶梨皮。輕輕
的放在籠兒裡。有這箇再不拘別的。到家中除憤卸
衣。他可便用心兒在意收拾。沒亂的心如醉。將盃兒
抹洗。安排下美味細新食。**上小樓**清晨早起。將水食

隔了一會。已的到辰時以後。已時總交。我和那子弟
相隨。將盆罐款款提。慢慢的。直到那相識家裡。放在
那閑盆中。便爭頭尋對。**公篇**我鳴盆時。叫了幾聲。似
牛行走了一回。我則見一箇好閑相爭。能咬掣班。撞
到根底。我和他趕一會。咬一會。開到三百餘嘴。咬的
那箇蜘蛛團沒。此威勢。**下月**他每都齊聲喊起。今
日箇比併高低。俺兩箇盆中比試。他道我世上無敵。
俺兩箇一來一往。不曾得住的。我可便猛轉過身。奇
見民歌呀。我可便則一班咬的。那厮五魂飛。咬的他
亂攙盆中。似昏迷。他將我輕輕打在過籠裡。滿面歡。

容喜回歸。用意收拾。心中常掛意。他道是不枉了把工夫費。**要孩兒**。到家中不住將盆兒洗。不曾見這促織天生的秀氣。紫頭青項黑焦牙。銷金翅腿似銀灰。他道是鬚全頭尾相宜稱口。似鋼鋒耐閑敵。養在那英石盆兒內。陰陽瓦玲瓏剔透。喂水池是紫玉金石。**四采**。將梅花盆抹的乾。將馬蹄兒碾壓的實。他將那蚯蚓土來忙尋覓。涼網是銅絲結就。將盆蓋牽草是五線絨絲纏就的。頭一號是咱名諱。比在野田裡縱橫自在。有時新糞口清食。**三煞**。輸了呵。他將我塩茶中轉幾遭。水盆裡滄一會。滄的我舒了身。脫了項直。

了腿。又怕我身歸泉世難尋覓。撈出來定醒還魂。搗上把灰。歇三日。開場上再與你相識會。贏了呵。水食上增添上美味。輸了呵。使性子將我來喂了。定鷄。**歇**蓮蓬水過我幾遭。將自然銅放在水兒里。他着那爛豆腐拌喂到三四次。撐的我跣着鉗齒全了。抱个他將我打露迎霜到第二日。他將我與別的對贏了。呵。遂心稱意。輸了呵。丟我在桶子缸裡。**歇**醒醒丟下一堆破缸片。盛着臭水。都是些碎磚碎瓦。虛閣起。那裡頭東西亂攙。我和他胡厮咬。則我這不伏氣的聲音兒不住的。他說我是箇敗桶子。鬧啣氣。他因尋

我番磚搗尾。打爛了我的身。奇尾。不覺的一命亡。
我是箇時。虫兒喫了那千萬虧。奉勸您賢良君子。參
詳意。這的是我好閑便爭落得的。

粉蝶兒

寄情

霧鬟雲鬢。漢宮腰素粧淺扮。恰便似玉天仙。謫降人
間。端人嬌。良人種。誤遭魔難。雖然與風月同班。比其
餘自然中着。醉春風。愁也翠眉攢。咲時花近眼。玉娉
婷。一朵好花開。行一步兒懶懶。翡翠裙低。鳳凰釵重。
麝蘭香散。迎仙客。相逢數載餘。別後幾千番。則俺那
美人兒。恰纔。筵宴間。美酒泛金卮。絃歌隨象板。

按至的歡意闌珊。那其間彼各皆分散。**晉天樂** 分散

後再相逢。相逢後空嗟嘆。人有願天心必應。天心應

人願何難。纖腰楊柳枝。臉嫩桃花瓣。桃柳年年花開

綻。年年見桃柳開殘。人生百年。百年有限。有限朱顏

十二月元良歌 蘇小卿風塵意懶。雙通叔名利相干。

小生非雙生對手。可人與蘓氏平肩。他每身雖葬黃

泉土壤。名猶在天上人間。呀。自古來知音相會果應

難。爭奈少年心終歲受孤單。休尋的鳳凰棲老碧梧

寒。按至得鶯燕和鳴杏花殘。相干。琵琶信手彈。

這搭兒里生扭做潯陽岸。**淨瓶兒** 落花鈿額上貼。赤

繩足下拴。爭奈少年心思。使相輕慢。堅心無悔。準備
暑洞房花燭。帶同綰。

粉蝶兒

歸隱

渭水箕山。嘆前朝三秦兩漢。俺一身兒。跳出塵寰。棄
家緣。拋妻子。功名不絆。蓋一所小小茅庵。每日戲猿
鶴。漁樵為伴。**醉春風**。饑時飯一瓢。渴時茶七碗。西樓
成陣。噪昏鴉。嘆夕陽晚。世事無窮。人情薄淺。時光
有限。**晉天樂**。俊英才。僕儼漢。豈不想將身投水。棄職
歸山。終將閑氣爭。空把功名幹。風狂浪急。牢拴纜。緊
隄防。一怒龍顏。自在煞孤貧的范丹。清閑煞寒居嚴。

子。快活煞高臥素安。

快活三

大將軍夜渡關。宰相每

五更寒。烟波名利大家難。奔走煞痴呆漢。

朝天子 餓

狼中搶食。大垂上背鞍。雖與伴終猶患。榮枯如是掌

中翻。財有聚。湏能散。何慮何憂。無危無難。細觀來諸

事。懶身潛在小灘。手執着釣竿。眼着那平沙鴈。

四邊

靜似俺百無相干。把青山如同當面看。自在清閑。風

雨無干犯。向綠楊岸間。去把沙鷗看。**脫布衫**到春來

杏吐嬌顏。到夏來荷放池間。到秋來黃花滿眼。到冬

來臘梅香散。

五州

美酒清奇任意看。谷隱芝蘭。夜

眠一宿日三餐。粗茶飯。樂亦在其間。

公

只聽漁歌牧

笛聲悠慢。看了些花放。花殘。悶將山果摘。閑把村醪
泛。醉時節。一覺紅日上三竿。**石榴花**。閑來曲指。笑支
干。不覺的綠髮換蒼顏。春時溫。夏時熱。又冬寒。任年
催歲債。日月攬梭。層層土底人無限。都只為生死相
關。看了他蠅陣蜂衙。案敢道來不比老農閑。**聞鷓鴣**
在生時。競我爭人。死之後。合唇閉眼。可憐見宛轉蛾
眉。湏臾間。鶴髮亂挽。世事從頭仔細看。嘆幾番。貌堂
堂七尺身軀。死塔。三分土掩。**上小樓**。從今後。粧痴
作懶。自此日將勤做慢。俺如今傍柳隨花。恁玄訪道。
靠水依山。我看你朱戶關。穿紫襴。為官為宦。又以後

有傾覆嘆也不嘆。你只將豪富親將相攀。只等蠅
被錫粘。鼠被湯潑。魚被鈎筌。脫離難。名利干。刑條有
犯。倒做了榜文牌。諭人來者。**補更方**。不如理名世間
終無後患。永保身安。子胥韓信為規範。彼此相者。雖
是俺一時體單。免得日後死殘。脫却了風流難。聽說
罷。膽寒。名利不如閑。**緊徵兒**。一心辦道無辭憚。煉就
了身中大丹。參徹了妙理機關。池中玉液休泄漏。爐
內金砂緊守看。莫待元陽散。降青龍在水。伏白虎於
山四煞。將意馬急縛。心猿緊拴。玄中徑路須行
慣。須知靜裡乾坤大。可愛壺中日月閑。悶把黃庭看。

眼不觀紅塵艷色。耳不聞錦瑟輕彈。**一**忽聞山鳥啼。閑將野草看。野花啼鳥皆春限。愁聞劒戟扶危主。問聽笙歌聒醉漢。崎嶇路須行慢。莫待他半時閃倒。反教君一體傷殘。**二**武憑三尺鋒。文成半紙緘。二公皆把功名盼。我受用圓爐獸炭。羊裘煖。強如你待漏朝門。象簡寒。休笑我無能幹。送飲的是鱖黃魚鮓。強如喫鳳髓龍肝。**三**黃花遍地開。白雲滿洞閑。飢時一碗胡麻飯。一樵更有千年壽。萬里何消半刻閒。閑把瓊漿泛。那怕他陰陽反覆。豈愁那江海枯乾。**四**聲細思人事難。書的筆也乾。光陰百歲猶終限。閑是

問非再莫管

粉蝶兒

憶佳配

染病耽疾。心兒上有人牽繫。不由人廢寢忘食。這些
時硯生塵。慵吟和。懶收拾。筆墨。恰待把功課溫習。猛
想起意中人。越添上些憔悴。**紅綉鞋**眉黛掃巫山遠
翠。髻高盤。楚岫雲堆。他生的娘。娉。柳腰圍。比昭
君爭些兒瘦。比西施有些兒肥。恰便相重生下的楊
貴妃。**石榴花**一團兒和氣有誰及。他生的天上有世
間稀。但行處滿路異香隨。天生下艷質玉骨冰肌。裙
拖六幅湘江水。怎下的將他來舉案齊眉。全無半點

兒塵俗氣。恰便似仙子下瑤池。**詞**他生的百媚
千嬌。三從四德。送意傳情。美目。。。。。。。。
不就風流樣勢。但道一句與我為妻。安排下鼓樂喧
天。準備着筵席慶喜。**詞**若娶在青紗帳裡。紅羅
衾內。秋水芙蓉。和烟帶月。露浸香肌。倚翠園。共枕席。
天然旖旎。嬌滴。。海棠春睡。**詞**正看。着宜。傍觀着
美。正觀傍觀。一觀一喜。魄散魂飛。誰承望故意兒。把
小生搶白一會。我則見越煩惱越添些可喜。**詞**
這此時茶裡飯裡。眠裡臥裡。似醉如痴。藕絲般常把
人牽繫。使人去你行曾題。你道是他聰明咱不痴愚。

都一般一捏兒年紀。若有此真情意。但道一句嫁你。
我情願取你做正頭妻。**要孩兒**。你看我是箇窮秀才。
我囑付你箇女艷質。鸞凰只許鸞凰配。古來連理同
根長。只許鴛鴦一處飛。有一日咱及第。頭直上打一
輪皂蓋。馬頭前列兩行朱衣。**二煞**。那其間跪龍門。奪
的狀元。做高官。享富貴。分付你五花官誥夫人位。輕
羅異錦隨身着。百味珍饈揀口食。出入在輦兒上車
兒內。前面公人喝道。後面有使從跟隨。**三煞**。慢騰騰
列着從人。可蹬、乘着駿騎。歸來若到羅幃裡。高燒
銀燭霞千縷。細看春風玉一圍。舒展開紅綾被。一任

他蜂狂蝶亂。燕妬鶯嫉。**四**儘羅幃上下翻。香肌左
右偎。舌尖笑吐丁香味。柳腰未對心先興。蓮足輕翹
情更迷。粉汗溶溶濕。相交玉背。暗度靈犀。**犀**自黃
昏點上燈。任情濃無了期。同行同坐。鴛衾內。只睡到
紅日三竿慢起的起。

粉蝶兒

虞伯生詠十花仙

月姊風姨。降雲端。九霄霞帔。子俺這月和風步。相
隨。照金閨涼翠幙。一天清氣。不爭俺誤入花溪。又驚
覺牡丹仙一場春睡。**斷春風**我則見粉臉淡慵粧。鬢
鬟鬆倦理。花顏不整。困朦朧。睡猶未起。莫不是霜

壓檀心。雨歇風華。露寒清蒂。**紅綉鞋**。我則見絳蠟燭
清光吐穗。紙窗明素色生輝。蹴金蓮閑步到兩三回。
這其間。画簷閑鐵馬。香篆冷金猊。料想著惜花人猶
未起。**石榴花**。他則待閑朝風月約花期。我將這仙術
畧施為。冷森森風透到書幃。秀才呵。我這里問你。你
莫得疑惑。俺是那風姨月姊花仙隊。則為你能寫染
偏會吟題。今宵共約在芳亭內。酬謝你風俗記大新
奇。**聞鵲鵲**。你則待詠月嘲風。休想俺拈花弄蕊。俺是
閨苑神仙。你自是瓊林俊偉。又不比才子佳人暗約
期。星前月底。世不到雲雨鄉中。常則在神仙會裡。

孩兒 海棠你雖是百花叢裡神仙隊。嬌滴、芳容艷
質。曉來着雨濕胭脂。淚盈、絳萼偷垂。春心有限難
全美。麗色無香不太奇。你也是凡花輩。怎敢比天香
萬斛。雲錦千堆。**點** 薔薇你只是逞妖嬈。倚障幃。弄
精神。香露浥。石家錦帳名曾記。引長藤。紅刺難親傍。
散高架。清陰得路岐。也不甚十分貴。者莫你連枝引
蔓。到惹的挽袖牽衣。**七煞** 桃花你子待迎人。咲臉紅。
藏羞羅扇底。武陵溪畔曾相識。可憐潘岳親曾種。賺
得劉郎去路迷。我也親須記。咲春風在玄都觀裡。疑
春意。在金谷園西。**六煞** 杏花你是箇輕薄淺淡粧。全

無此鮮妍嬌媚質。董仙種得成林翠。飄零曉色團香
雪。泄漏春光出短籬。怎比的花王貴。你則是果中珍
味。若說花品低微。**三煞** 荷花你長在亭。翠蓋中。盈
盈碧沼裡。南薰十里清香細。你常是窩盤錦鯉雙。
戲驚散鴛鴦兩。飛難同類。曾將那張昌宗比並。又
引的周茂叔徘徊。**四煞** 菊花你開時三秋冷。月天重
陽寒露日。東籬滿徑金錢綴。飄香落蕊花寂寞。傲雪
凝霜葉慘悽。陶元亮醺。醉。若不是白衣送酒空折
得滿把何為。**三煞** 芙蓉你生在秋江淺水灘。西風殘
照裡。錦城步障誇豪貴。霜華冷淡無人賞。秋色飄零

只自知。恰嬌艷。早先憔悴。怎如芳春富麗。上苑新奇。
二 桂花雖是你占秋光第一枝。向蟾宮高處植。散
天香。馥。來人世。黃金粟墜金風細。碧玉枝寒玉露
垂。不占春先麗。你則是一時清致。怎比他萬斛奪魁。
一 梅花你長清高鐵石心。孤寒冰雪質。宗廣平作
賦。專誇著你。風搖皓鶴清心墜。雪壓蒼龍老幹低。你
待要魁春意。將林和靖廝哄。把孟浩然禁持。**尾** 這
牡丹曾與素娥兒。手擎着傍輦行。他曾與李太白沉
香亭對御題。他曾比鏡臺前把妃子微。醉。這牡丹
他本是歷代高人好尚的。

粉蝶兒

賽酒席遇佳人

春滿尊席。画堂前花嬌柳媚。孔雀屏羅綺週圍。兩邊
排風流客。共同筵會。勸開懷弄尊傳杯。唱陽春歌白
雪。佳人旖旎。**醉春風**輕敲檀板韻悠揚。撥銀箏腔調
美。歌喉宛轉似鶯啼。不由人心兒裡喜。重濁輕清。
開合緊慢。聲音嬌麗。**脫布衫**把一箇俊隨何幕的驚
疑。俏陸費忽的呆痴。病沈約兜的悶矣。愁潘安早的
憔悴。**卜兒**一見了美貌端莊那箇及。二八年紀。他
生的不長不短。俏身肌。無半點塵俗氣。真乃世間稀
公。他生的風流體態。堪人意。他生的骨格清奇。穿一

套縞素衣。挽一朵烏雲髻。柳腰纖細。款款步輕移。

小模

他生的妖燒可喜。他生的千嬌百媚。他生的杏

臉掩腮。

朱唇皓齒。星眼蛾眉。他在那珠翠叢。綺羅隊。

生來高貴。走不動剛行剛立。他生的香肩無比。他

生的酥臂滑膩。他生的領如蝤蛸。膚如凝脂。手如柔

荑。玉玎璫。金蹀躞。裙拖翡翠。常懷着花心柳意。

難他撥銀箏。梁塵飄墜。歌金縷。遏住雲飛。你看他輕

盈玉體。舞裳寬似巫娥離楚岫。如仙子下瑤池。舞罷

也困騰。將卓兒倚。**滿庭芳**他其實貌美。傾城模樣。

國色容儀。秋波一轉。春山翠。髮似雲堆。恰便似美人

圖筵前掛起。便是那劉伶酒見了停盃。飛鴈落平沙地。遊魚沉水底。只因他美貌世間稀。**與孩兒**論風流。今古無雙對。女伴中惟他第一。他比那吳城越姊。增加倍。滿排場首領為魁。他喜時節恰便似楊妃春色。遊南陌。他愁時節好相照。君秋容塞北歸。喜怒非容易。千金一咲。小可傷悲。**三**花嬌恁比容。玉潤難同體。兩般兒不似他嬌媚。他比那崔鶯鶯。容貌十分俏。他比那蓮小小。形儀分外奇。李亞仙難同類。堪描堪畫。堪詠堪題。**二**休誇董氏強。莫言謝氏美。月英娘。娜非班輩。他比那李師師。歌舞諸般曉。他比那薛瑣。

瓊吹彈。所事知。趙飛燕。非為貴。他生的。柳客花貌。玉
骨冰肌。**一**張杜韋娘。更不同。韓素梅。應難比。嘆西施
人物。非堪戲。他比朝雲彩。雲千般俏。他比那柳葉梅
英。百樣媚。劉盼春。嬌無遂。論聰明。出色秀雅。為魁。**尾**
釐只因他。渾身體態嬌。引起我一腔才。不盡喜。說不
了。出乎其類。拔乎萃。誇不盡風流。裁健筆。

粉蝶兒

往常時。好賄貪財。從今後。半星兒不愛。那里也錦片
座宅。將俺腳頭妻。懷中子。撇在九霄雲外。樂一身脫
離塵埃。我將這跡狂心盡情都戒。**醉春風**一任他羅

扇上寫新詩。我則待終南山觀舊色。從今後愚濫盡
勾消。將酒色改。再休想謝館秦樓。偎紅倚翠。酒錢
花債。**迎仙客**今日箇觀富貴。並不曾掛心懷。好兒女
似眼前花正開。又被雨摧風又擺。折倒的葉落枝衰。
到底人何在。**石榴花**我則待埋名隱籍甚幽哉。無一
日記心懷。攀今覽古話明白。看前朝後代。成敗興衰。
想歸湖范蠡扁舟在。歸山的子房高才。開疆展土今
何在。因此上天地巧安排。**關雎**一箇是滅楚軍師。
一箇是平吳太宰。一箇他喚的風雷。一箇他辨的辨
的氣色。他兩箇棄職休官不分外。不戀在八位裡排。

那里同日轉過金塔。則落的名揚四海。**晉天樂**世修

行。持齋戒。愚眉肉眼。濁骨凡胎。今日箇絕念想。無嗔

恥。青雲外。博得箇跨鳳乘鸞登仙界。老來時無苦無

灾。冠簪短髮。袍披粗布。足履芒鞋。**上小樓**往常時有

酒。呵心便喜。無花時眼倦開。端的是有酒無花。筵前

無樂。不成歡愛。今日箇無酒無花。冷淡清虛。無妨無

碍。再不去美孜孜。恁般恩愛。**念遍**再休題酒共色。也

不爭氣共財。也不戀錦屋銀屏。後閣前庭。畫堂寬快。

住的是草舍茅庵。石枕土炕。全無驚悸。則落的一身

閑。百無灾害。**耍孩兒**則為這酒色財氣。將人害。叅透

了塵勞頓改。我則待黑甜一枕夢安然。一任他市塵
中攘。坡。我將這心猿意馬牢拴定。我則怕趁浪
逐波又解開。把十真九祖恭心拜。畢罷了迷花戀酒
賭氣爭財。**四煞**為酒呵火燒了李晉王。水滄殺李太
白。太宗惡了唐十宰。漢韓信在未央宮裡將身喪。晉
劉伶貪盃雪裡埋。因酒成妨碍。從今後休着酩酊。隨
意開懷。**三煞**為色呵紂王壞了比干。幽王戲臣宰。楚
襄王曾為巫娥害。漢帝送昭君塞北和番去。唐明皇
楊貴妃馬嵬坡前怎避灾。色字兒誰不愛。迷着的亡
家敗國。戀着的運拙時乖。**二煞**為財呵田舍子身已

亡。毛延壽命已衰。漢鄧通鑄錢今何在。石季倫金谷園中遭誅戮。太宰嚭姑蘊城被殺壞。休把錢來愛。錢為人使。人為錢灾。**一煞**為氣呵先傾了秦社稷。後扶其劉世界。逼的箇楚重瞳自刎在烏江側。周公瑾自喪在巴山縣。劉玄德北印山下埋。四件兒全不愛。我則覷四時美景。八節花開。**尾聲**將金枷生扭解。硬頸開。急回頭體健身輕快。則被我跳出風波是非海。

粉蝶兒

情郎遠別

想着他何日歸程。你看這綉紗窗一簾風靜。唯備着象牙床。綉褥銀屏。意如痴。心沒亂。安身不定。則為那

一點真情。送的我害相思。染疾耽病。**斷春風**。我則待
情意寄新詩。向花陰尋舊境。則為他阻佳期。一去枕
兒閑。常好是冷冷。共素手相携。香肌相搥。玉肩相並。
迎仙客。我往常時肝兒般相愛敬。他將我性命般厮
看承。到如今玉簪折。恰如瓶墜井。他和我恰歡娛幾
番家。無虛佞。恰便似鸞鳳和鳴。一似那美滿重交頸。
紅綉鞋。俺在那錦被裡顛鸞倒鳳。到如今信音稀魚
鴈無憑。我和他兩意交歡喜相迎。則為他心腸順端
的是會溫存。那其間對春心將情意逞。**十二月**。則為
那多情愛寵端的。是好夢難成。他則待輕憐痛惜。那

此箇雨尤雲。想著那懷兒裡受用。端的是儘意施
呈。**步**呀。怕的是孤眠獨枕。冷清。想著那鴛鴦
被裡煖烘。則為滿懷春色。曉風生。口吐丁香。皺眉
峯。情也波濃。總覺素體輕。這的是醫我的相思病。**我**
將這絞綃錦帳懸。羅幃春色濃。低垂簾幙人寐
靜。又則怕綉榻風寒被兒冷。

粉蝶兒

憶美人歡愛

想著他俏貌風流。不承望這場迤逗。兀的不干休了。
俊雅溫柔。非是我性疎狂。心間闊道。做了情懷虛繆。
空教我終日凝眸。望天涯甚時成就。**醉春風**想著恩

愛許多時。情腸心意久。空教我書齋冷淡自沉吟。獨自箇守。不由我心上思量。枕邊歡愛。空教我旦夕
倜傥。**紅綳鞋**。往常時相會在黃昏時候。怕甚麼翠紅
鄉燕侶鶯儔。我端的惜玉憐香戀紅樓。真箇是心厮
愛。更那堪意相投。不知意中人今在否。**石榴花**。則為
這閑花終意不貪求。想着那箇嬌媚女意常留。想着
他那風流嬌膩解人愁。指望待相守儘老白頭。更那
堪恩情一點常懷舊。論交歡美意偏熟。動人情那些
兒難離勾。論着你脂粉總班頭。**鴈鵝**。我和他兩意
情濃。敢則是同眠共宿。則為他膩玉嬌香百般。

是有和我這弄玉團香惑慣熟將閑花不去秋。一任
他蝶使蜂媒。誰問恁那殘花敗柳。**十二月**我和他曾
為配偶。端的是兩意相投。則為這嬌香嫩蕊。俺可使
羨愛綢繆。真箇是心廝愛。鸞交鳳友。愛則愛粉臉溫
柔。**第五**呀。我和他鋪開錦被。且蒙頭更和這綉幙
幃屏更清幽。俺則待顛鸞倒鳳。不停留。捨命忘生意
無收。可便搜也波求。風流事怎休。若做了重還又。**尾**
替料今朝身困乏。到黃昏不肯休。閑來時將錦被香
薰透。我將那嫩蕊纖腰慢。**的**撲

粉蝶兒

中州十九韻

從東麓風動松呼。聽叮嚀定睛睜目。望蒼茫曠廣黃
蘆。却樵夫遇漁父。遞知已携物。便盤旋遷轉前湖。看
寒山晚關灘渡。**醉春風**。指示志詩書。友酬酒就舉盤
桓。喚翫拚歡娛。吟飲審足。已意微舒。答他嘉趣。漸
纖瞻綠。**紅錦鞋**。繞在那恠崖捱步。磨跢多過河渠。野
餘斜隔。這此疎。沉吟林陰阻。甘探淡談儒。趁村門人
問取。**石獨花**。望湘江港上長蘆。龍松擁洞橫鋪。視茭
此是尔之居。小樵笑老夫。行峻嶺登途。下凹凸狹歷
槎牙樹。邁峻崖側堦歪路。野接茹結隔斜鋪。看晚關
垣爛熳灣弧。**關鵲**。毒霧觀古渡。糊突。吾不如讀書。

杜甫。小道倒。老稻焦枯。那解。駕槽。盪漿慌忙向

浪蕩宿。暗談食糧。大。假。碎。葦。翡翠宜圖。岩。嶮。漸。纖。廉

渰。出。十二月。小鳥鵲。高巢噪呼。騎。騏驎。喜。避。崎嶇。汚

酥土。枯湖古渡。嵐。慘。淡。菴。壩。堪。圖。看。晚。岸。殘。山。漫。阻。

望。忙。弄。糧。糠。荒。蕪。歸。民。歌。呀。隴。東。哄。貢。冲。松。動。猛。風

毒。自。姿。尔。思。此。時。是。使。詩。賦。藍。關。暫。掩。暗。然。吾。那。家

他把夾巴居。抽首就躊躇。裁劃該載孤。悶昏連村門去

要。孩。兒。盤。桓。曠。畔。蛩。端。路。見。一。箇。遶。道。刀。騷。老。夫。穿

一領袖頭露肘舊紬服。騎一匹便鞭搨塞鳩驢。輕行

停省驚睜目。迤邐痴迷失記途。多因是抹坡錯挫過

多阻。則見那垂蛩蜂叢猛動。禽吟林陰蔭疎。**四**那
厮兒擎瓜那塔耍。這老兒近身頻問取。那厮兒故徒
不顧都胡覷。那老兒欠謙廉儉粘粘念。那厮兒奸慝
頑犇懶憚語。纏綿轉見延夫暮。那厮兒始使慈之指
視。這老兒既知喜已眉舒。**三**你望那草橋拗小道
兒遶。青菱萍正徑出。那里有雨餘渠處淤墟土剗艱
難澗灣潺寒灘返岸殘山晚。助苦楚霧模糊古墓枯
蕪毒虎伏窟涼蒼莽羊腸曲。黑泥壁頽摧廢驛。雜蝦蛙各
撒沙湖。**二**感喟嵐淡黯。近人雲趁逐。那里有廉纖
尖簫粘簌足。跌斜歌客啣含。在拐扶槐窄矮屋。兀

良你望那風松橫嶺從東去。公槎牙夾芭他家打火。
無憂愁扣柳郵有酒投沽。**尾聲**那厮兒本分蠢鈍。
這老兒別也扯者虛。聽稱名姓叮嚀付。則向那聚旅
無虞去處宿。

粉蝶兒

題射雙鵝

賽社處人齊。一箇、恁般沙勢。直喫的渾身上村酒
淋漓。手張狂。脚趂趂。喫的來吐天穢地。着人道村裡
夫妻。但行處不曾相離。**斷春風**恰晒的布背襦襖兒
乾。又淹的舊留丟前襟濕。你這般揎拳捋袖打阿誰。
我甘不過你。焦了重焦。絮了又絮。我則待醒了重

醉快活三 俺在這村庄兒上會親戚。當村里做筵席。

醇糯酒整做下兩三石。有肉腥無羊羶氣。朝天子 就

着這甕裡碗喫。一箇查手縫無拘繫。俺從早晨間

直喫到日平西。都灌的來醺。醉。有他那牛表朝歌

沙三爭戲舞的。是一張掀喬樣勢。再有甚麼樂器。又

無他那路妓。俺正是村里鼓兒。村里插快活三 則聽

的朔風也似喊聲起。土雨般陣雲飛。則聽的兩棒鼓

赤力力似春雷。一聲鑼響轟霹靂驚天地。六篇 忽

的向林浪中則見山嶺裡閃出一隊勇烈軍旗。手下

軍遍排鴈行齊。多無那半千來人馬相隨。明晃晃秋

霜手持着刃器。鐸琅、鸞鈴響。戰馬如飛。不刺、直
撞到陣根底。**六么序**其實端的。則見燦、金盃、糾、
雄威。甲掛唐猊。馬驟狡猊。一點鞭催。兩下軍隨。擲列
着。一字兒長蛇陣勢。他當攔住去不的。猛然聽的。審
問箇真實。來者將姓甚名誰。**六么令**他道是縱橫壯
士。周德威。留下些買路錢。別有箇商議。不愠、怒從
心上起。我根前怎敢道相欺。大偶的不依隨。**鵲兒**
呀。你則是小覷俺。聞外將軍八面威。也則是引起好
閑偏爭勢。喝一聲。手下兒郎快準備。擺列着金鼓旗
旛隊。則見鞭稍展處。三軍隊伍。前後皆齊。則見一雙

皂鵬空中颭翼。上下翻飛。**古**。他道是。比及和你
對壘。先着試看咱武藝。左手取寶雕弓。打兩石。右手
取鳳翎箭。撚轉端的。直箭。脰入硃紅扣。慢的。弓。兜
開碧玉稍微的。靶。推出龍腰細。托泰山前。手推抱
嬰孩。後手輕着力。拽一箇秋月團圓勢。**真**。擲的
一聲弦頭響。似春雷般乍起。箭光流似寒星飛墜。我
則見八的中。滴溜溜撲撲的着田地。一雙皂鵬透心
窩。正中着金鈚。我則見。城心內。旗影裡。擱着手。高聲
叫起。**易**。自從盤古分天地。便有那漢李廣。養由
基。也不似這般快射。見他拱手舒心。便伏低道。是。喏。

嗟。連聲退。**道合**我則見他下的戰騎。怎敢道說兵
機。撲的來跪膝。遙望見七重圍。則俺沙陀壯士歸伏
你。再誰想高官重職。再誰敢耀武揚威。情願在馬頭
前親執轡。親執轡一戎衣。**柳青娘**見他聽的可早歡
喜。攀鞍上馬不猜疑。共相隨尋思。話投機。正尋覓英
雄輩。共扶持遠威勢。道着俺每。同商議。俺每俺
每天教只。則今日離了汾州地。他将令皆知。誰敢延
遲。金鎧敲只。玉鞭擎只。則俺那衆兒郎。呀。刺。來。齊
和。着凱。歌回。

粉蝶兒

酒席遇佳人

朋友同席。見一箇可喜娘。他生的千嬌百媚。謳歌可
有似鶯啼。臉如花。腰如柳。海棠春睡。更那堪萬種稀
奇。一團兒盡皆和氣。**醉春風**。喜孜孜。玉手捧金甌。慢
騰。輕移蓮步。他生的朱唇一點似櫻桃。好教人
一見了他喜。洛浦般容顏。觀音般模樣。月娥般嬌
媚。**醉春風**。他生的風流可喜。他生的星眼峨眉。他生
的妖嬈娘。娜玉為肌。他生的身子兒正。他生的小腳
兒奇。他生的一椿。都俊美。**醉春風**。他生的風流俊
俏。多伶俐。宛轉歌喉最美。星眼有似秋波媚。水髮上
勝似雲堆。面如傅粉。粧成態。髮似烏雲。刀剪齊。一見

了多聰慧。若得他同床共枕。儘今生步、相隨。

比月美不姓王。比鶯、不姓崔。薛瓊、怎比他清貴。

有如仙子臨凡世。賽過嫦娥容貌體。一見了魂飛去。

他生的千般袅娜。萬種稀奇。

比玉來玉見他。比珠來珠也應難對。比鶯來鶯聲

不似他聲巧。比燕來燕語難同他語齊。比蓮花無雙

對。若論女流之輩。今古誰及。

蘇卿難賽比纖、一縷宮腰細。眉兒淡掃如春柳。脚

兒尖、似玉錐。比仙子加三倍。他又更沉、重、着

着實、

三

他生的眼兒圓、又黑。齒兒白、又齊。

眉兒不整雙垂墜。行如楊柳隨風舞。賽過桃花帶雨
飛。怎見他多聰慧。堪描堪畫。堪詠堪題。**詞**態慙禮
數多。盤雲勝漆堆。滿口兒吐出些香甜氣。賽過遊魚
對。爭觀看。出塞賓鴻也見飛。可見他多聰慧。堪稱
在香房蘭舍。受不的日晒風吹。**詞**惜他時掌上珠。
愛他時魚共水。喜他時比目魚成雙。對想他時久旱
逢甘雨。念他時他鄉遇故知。樓一樓如沉醉。似鴛鴦
交頸。蝴蝶佳期。**詞**他生的不長不短身。不肥不瘦
體。龐兒聰俊。堪人意。除了天上天仙再無比。

粉蝶兒

白居易琵琶行

送客江頭。照潯陽。月明如晝。正荻花楓葉。清秋客登
舟。主上馬。相看情厚。欲舉離旣。恨無他管絃聲奏。**醉**
春風悲慄未停歌。淒涼將折柳。忽聞水上響琵琶。早
一時消盡了酒。主已忘歸。客猶不發。兩情迤逗。**迎**
仙客離渡口。送行舟。尋問樂聲何處有。急回燈忙問
酒。把他請喚無休。半晌時纔迎候。**紅綉鞋**只見他楊
柳腰肢纖瘦。海棠顏色風流。猶抱琵琶半遮羞。恨身
非年少。景長眉鎖。別離愁。怕生疎了絃上手。**晉天樂**
玉盤內撒珍珠。鴛尾上傾簷溜。間關鶯語。幽咽泉流。
銀瓶破水。迸漿鐵騎。出刀鎗。閑細撥輕攏。腔兒就他

把那六么令帶過梁州。出纖素手待依、緩謳動
急、清愁。**石榴花**自言家世本非優。呈樂執、貴皇州。
蝦蟇陵下住。經秋。絡珠珍臂鞦。裁紅錦、纏頭十三學。
得琵琶就教坊名壓班流。五陵年少爭馳逐。按歌舞
幾曾休。**聞鵲鵲**只為這秋月春花。閑茶浪酒。做此暮
雨朝雲。伴些狂朋恠友。今日箇冷落門前鞍馬遊。題
起愁上愁。不付能、賣笑姨亡。又撞着從軍弟走。**卜**
樓新諧配偶。嫁為良婦。誰想商人重利輕別。易去難
留。前歲浮梁。去作茶商。却教我淒涼難受。因此上寂
寞得玉容消瘦。**卜**孤舟空自橫。空房獨自守。對着

那江月娟娟。江水潺潺。動我離愁到夜深。夢少年。不
由人不傷心。感舊却教人。洒啼痕。淚淹羅袖。**滿庭芳**
我亦天涯客久。自從去歲。身離皇州。謫居臥病潯陽
後。自嘆淹流。對苦竹黃蘆滿洲。聽哀猿杜宇供愁。此
地無知舊。惟樵童牧叟。相伴楚天秋。**更徵兒**今宵自
聽琵琶後。仙樂冷。耳熟有如空谷響。清泉覺飄然
八表神遊。試聽座上清新曲。能洗胸中磊塊愁。空對
景傷懷舊。當日思鄉。國情傳塞上。今日箇訴別離愁。
動江頭。**三歌**撥新聲耳願聞。洗塵襟興未酬。再將一
曲仙音奏。把伊平昔心間事。翻作琵琶行裡收。教萬

古千秋後。清名不朽。美譽長留。**一**立良文感我言。
坐促絃。瀉我憂。新番旋撥音滑溜。淒淒不似前聲曉。
滿座聞之盡淚流。把歡樂成傷慙。憂心悄。離思悠
悠。**一**問座中泣最多。惟江州司馬愁。他把那淚珠
兒搵濕青衫袖。再聽撥琵琶方纔箇。嚙下這酒

粉蝶兒

遊前後赤壁

壬戌之秋。正乾坤嫩涼時候。坡仙作赤壁之遊。斷雲
收。殘照墜。水波不皺。少馬閒。月出山頭。徘徊於斗牛
左右。**一**斷春風。白露滿江頭。清風來古渡口。縱漂一葦
泛中流。問茲遊何處有。凌萬頃之波。一時之興。更

幾盃之後晉天樂逸興浩無邊。好景描難就。水光雲

影。挂掉蘭舟。酒行將盈面。傾歌發把船舷扣。有客踈

狂詩腸透。洞簫聲引。載清愁。餘音嫋嫋。清聲歷歷。悲

響悠。紅紗窗。悽慘泣孤舟。嫠婦悲高舞。幽壑潛虬。

蘇子舟中。愀然愁對江山。樂甚。問水月客知否。挾

飛仙來。酌酒石猶花。想當年孟德。破荊州。乘順勢下

東流。舳艫千里。列戈矛。敵船萬艘。遮暎雲頭。鳴鼓

角聲悲奏。日無光。地慘天愁。追亡敗北。難收救。實堪

笑。又堪羞。聞鵲鵲這赤壁險峭。高危懸崖峻陡。經了

此浪拍濤衝。耐了此天長地久。勢帶長江不盡流。遠

八
卷
中
接。着。天。際。頭。抵。多。少。兵。甲。埋。伏。金。湯。固。守。**上。小。樓。曹**
孟。德。浩。氣。平。衡。斗。牛。功。名。留。傳。宇。宙。想。當。日。驪。酒。臨
江。橫。棚。吟。詩。一。時。風。流。經。幾。秋。今。已。休。一。任。他。流。芳
遺。臭。今。日。只。落。得。月。娟。娟。照。人。依。舊。**公。篇**東。去。望。武
昌。西。來。望。夏。口。一。帶。山。川。鬱。蒼。蒼。上。下。相。繆。舸。艦
空。烟。火。飛。摧。殘。讐。寇。那。一。場。龍。爭。虎。鬥。**湖。庭。芳**非。吾
所。有。俺。只。待。侶。魚。蝦。江。渚。友。麋。鹿。林。丘。盈。虛。消。長。皆
叅。透。底。用。剛。求。惟。林。下。山。間。耐。久。取。清。風。明。月。無。休。
浮。世。空。生。受。迅。鳥。飛。兔。走。寄。天。地。類。蜉。蝣。**朝。天。子**放
舟。縱。遊。已。是。殘。更。後。怡。然。賓。主。意。相。投。醉。了。重。還。不。

狼籍盃盤。銷核無有。枕籍乎舟內宿。睡熟未久。曙色

向東方漏。頭顱兒。自雪堂十月相別後。遇二客黃泥

坂頭。相看情意兩綢繆。綢細鱗巨口新收。歸來斗酒

謀諸婦。久已藏之待子求。賓主情相厚。於是乎携魚

與酒。復向他赤壁重遊。江流聽有聲。斷岸水漸

收。山高月小。雲歸岫。可憐歲月何曾久。便把江山不

記遊。往事空回首。風光冉冉。身世悠悠。踞虎豹

履峻岩。登虬龍俯急流。詩豪酒興相迤逗。仰攀栖鶴

危巢險。下撫馮夷水國幽。長嘯天風後。振驚草木撼

飢林丘。清聲應山谷。鳴悲風起波浪浮。月光滿

明如畫。悄然悲肅然。猶恐凜乎其不可留。風景渾
如舊。又登舟去。放乎中流。**四**然倏然駕一航。聽其所
止休。寂然四顧三更後。忽逢孤鶴橫江過。翅若車輪
掠我舟。隻影隨予瘦。戛然長嘯風起颼。**三**然須臾
客已回。茲遊興未酬。予身勞倦和衣宿。夢中有客來
相訪。鶴氅蹁躚一羽流。形影俱清瘦。過林臯之下。問
今夕之遊。**二**然我嗟而問姓名。僥而不起頭。嗚呼嘻
噫。傷情久。我知疇昔飛鳴夜。過我相看非子否。他顧
咲身潛後。把一箇楚鶴蘇子。險做了化蝶莊周。**尾**聲
眼朦朧起攬衣。手驚慌推戶牖。不見那玄裳縞袂寬。

袍袖那鶴名管在華表千年樹上有

粉蝶兒

慶重九

人都道重九登高。笑龍山孟嘉落帽。我如今守孤牕。
錦帳鮫綃。翠裙寬。金釧褪。肌膚羸弱。業眼難交。睡無
情。夢魂顛倒。**醉春風**。這此時寂寞。玉容衰。慵將金鳳
挑。金爐香冷。篆烟微。盼不到曉。別人都菊酒重斟。
追歡笑賞。輪到我寸心焦躁。**紅綉鞋**。則為那可意的
風流年少。則被這引的人魄散魂消。設若便殢酒狂
吟。枉徒勞。拚了箇今夕。醉愁和悶。怎生消。空教人懷
恨惱。**石榴花**。他每將茱萸偏揷滿頭梢。更將這黃菊

泛香醪。都說道辟邪翁。延壽客。可災消。登高的是好。
心緒寂寥。是看這青山綠水多容妙。費長房術藝難。
學。登高免得成殘雪。端的是此日可災消。**關鶴鵲**看
了這黃菊紅茱。真乃是消煩去惱。想着那美愛情人。
心如刀攪。偏別人似鳳如鸞兩意交。輪到我無
下稍。可教我枕冷衾寒。枉在這蘭堂畫閣。**十二月**知
他是為官受爵。金榜名標。攀蟾折桂。顯耀英豪。則被
你拋閃的青春幼小。可教我夢斷魂勞。**王民歌**呀。幾
時得碧桃花下鳳鸞交。便似仙偶裴航在藍橋。恰便
似巫山雲雨夢堅勞。劉阮桃源遇仙嬌。禱告這青也。

波霄。夫妻偶遇着。永遠長安樂。眉釵。若得情人錦帳眠。鴛鴦匹配交。你若是貪歡醉倒。問甚麼重九風光。快活到老。

粉蝶兒

割耳寄

金界香飄。暮雲輕。月華籠罩。南樓上禁鼓初敲。雅備下燕鶯期。鴛鴦會。按不住撲忒。心跳。想人生業火難消。非干是小僧羅卓。醉春風。往常時佛法也曾燃。這一回禪機都忘了。看了他柳眉星眼。俊多嬌。真箇是好。且休題作祖成佛。一任教披毛戴角。者麼他三途六道。溜底方。猛聽得街前鬧炒。我向那窓櫺間。

密觀門縫裡偷瞧。見幾箇金剛般大漢連聲叫他。每
都仗劍提刀。叫道是犯姦僧休教走了。偷姦婦莫想
輕饒。到養着家生。哨拿住呵除根剪草。油鐺煮鐵丸
燒。**普天樂**一箇摸不着雙叉棍。一箇尋不見僧伽帽。
一箇鍋門前睡倒。一箇在炕洞裡蹲着赤條條。沒處
藏。鬧炒。都來到趙州橋。早罷了漁翁釣。軟兀刺。磨
似黃瓢。禿頂老沒分沒曉。劣捩丁越顯越惱。歪刺骨
不道的堪画堪描。**石榴花**衆街坊擺下一週遭。恠不
的人怨語聲高。一場公事好蹊跷。這廝是箇不捺灰
土真強盜。殺人可恕。情理難饒。又不是演揲兒秘密。

西天教兩三番雨散雲消。他待把青黃二色相偎抱。
倒做了休辜負。可連宵閨鵲那里是受戒持齋。喫
的這紅頭赤腦。則為這酒艷花濃。受這般綳扒吊拷。
你待把風月排場一擔挑。全不想造罪遭冤報。也不
索撾耳揉腮。又何須搥胷跌脚。上小樓你休怨龍天
不保。也是你前生冤報。則為你不禮如來。不敬伽藍。
不怕天曹對人前。念三麼說五戒。談禪講道。背地里
酒色財氣四般兒都好。去聲每思量心上人。早相逢
月下老。他道是枸杞興陽。萱草宜男。豈惹懸胞。近挑
紅。偎柳翠。賣弄他神通有道。誰想他出家兒恁般劣。

調脫布衫惡狠、怒氣衝霄。明晃晃寶劍吹毛。赫的
他冷水、三魂散了。虧了箇老婆、百般哀告。小梁
州佛祖家風不肯學。一箇、膽大心高。那里是搬柴
運水打勤勞。求福道多則是脫軍伍躲差徭。心
猿意馬由他鬧。到強如火宅煎熬。幾時得大夢醒塵
心皎。旃檀林下挨性命。喫紅糟快活三。險些兒把葫
蘆解做瓢。一任他宛轉悲號。又不是倚強凌弱逞粗
豪。也則是留表記懲姦道。朝天子將一箇聽老可又
的去了。早減了三分俏。百般的尋不見起亡膏。便有
那廬扁也難醫療。倒做了殷長史形容。許箕山節

操染的那髓骨麻一似紅衲襖請諸僧解朝香爐前
跪着引得他加舍佛徽、**紅綵鞋**則為你天魔女
聞聲悟道引得箇惡那吒膽怒心焦常言道世間好
物不堅牢再休題櫻桃樊素口楊柳小蠻腰從今後
耳根清淨了**血淚兒**天堂地獄由人造到頭來善惡
難逃似這等兔頭蛇腦野狐臊辱沒殺圓頂方袍見
色呵百般的按不住心頭火見財呵一面兒包藏着
咲裡刀天生好銜一味朝風弄月怕甚麼犯法違條
四照到晚來檀磕腦戴的低布行纏繫的牢安排着
去把龍門跳單等那逃禪長老三叅罷怕甚麼護法

金剛一丈高。這等事誰知道。紅塵中潛踪躡足。黑影
裡東躲西瞧。**三**歌。小姐子會撒津。老虔婆慣打刀。找
至得輕憐重惜。纔歡樂。起的遲。一片心。向下聽鷄叫。
走的緊。兩隻腿。堦前似狗跑。那里也人喧鬧。怕則怕
巡更鎮撫。愁則愁截路軍牢。**二**歌。冤家債。每日還。老
婆禪。何日了。為風情。陪了此銀和鈔。半疋黃絲絹。恰
恰的裁綿襖。一箇白綾帕。剛。的做主腰。打緊的諸
般要。送了此青料小麥。喫了此酸餚糖糕。**一**歌。瑜伽
僧不坐禪。雲水僧會頂包。從今後事。思量到。花蕊
石碾。就生肌藥。青魚膽熬成粘鰾膠。這兩件為頭要。

人無遠慮。恐似前遭。**尾聲**。到晚來。冰羊皮作箇耳簷。
釐牛尾。縫箇腦包。無人處。偷把菱花照。普天下風流
似你的少。

粉蝶兒

憶情

憶寫情詞。寄多嬌。玉人粧次。企仰心念。茲于茲喜。得
這錦鱗來。青鳥至。兩三番。又承批示。間別尋思。訴衷
腸。一家無二。**醉春風**。相思病你因咱。至誠心咱為你。
幾番欲待寫書回。那里取天樣大紙。萬種閑愁。十
分恩愛。再三傳示。**紅綉鞋**。也無那講虛禮。咬文嚼字。
也無那序寒溫者也乎之也。無那起居萬福巧言詞。

也無那清新八韻賦。也無那俊逸五言詩。單寫着客
中愁。憔悴死。**普天樂**。我這里望京師。尋朝使。頻訪
問。暗嗟咨。眼不曾絕淚痕。飯不待沾唇齒。野草閑
花無心視。一心兒作念嬌姿。想你那羊脂玉體。芙蓉
臉兒。楊柳腰肢。**喜春來**。枕邊廂盟誓。真誠志。心上何
曾有忘時。你那里娘根前。閑氣忍些兒。咱共你。湏有
箇稱心時。**尾聲**。志誠博志誠。有終還有始。從前約定
湏當至。二月中旬望小子。

粉蝶兒

子弟收心

今日纔知。飄蓬了數十餘歲。信別人棄子拋妻。元來

這出牆花。臨路柳。無根無蒂。那一箇曾落絮沾泥。把
我這惜花心。往來憔悴。**醉春風**我與你踢破了這紙
湯瓶。塞潑了盆內水。往常時迷花戀酒不成才。到今
日悔。使盡家緣。受人間氣。也笑得點頭回意。**迎仙**
客想這等婆娘。真乃是打家賊。劣心腸。狠毒如柳盜
跖。築下座。豫章城。搬下箇碧益池。有一日水盡鵝飛。
則閃一荅兒。栽花地。**喜春來**從今休信白礬淚。船到
江心補漏遲。勸君試想武陵溪。難見底。識破再休題。
石榴花往常時酒病賴花醫。如今冷句。厮禁持。下紅
定。恐怕外人知。三梢末尾嫁了馮魁。雙通叔不索將

人戲。閃得人哭。啼。有錢才子鴛鴦會。無鈔也索
分離。**開鵲橋**。不能勾燕尔新婚。到惹的眉南面北。則
折下半點恩情。霎時間霎時間配對。怎禁那沙糖口
黃栢心苦肚皮。那妮子喬所為。出來的苦眼鋪眉。一
箇。瞞神說鬼。**上小樓**。若說着無端艷質。雜情娼妓。
正是猿鎖空房。籠中野雀。本性難移。假若咱立良媒。
娶為妻。誰耽干繫。他終不肯死心塌地。**念瀟**。便有些
兒假至誠。真乃使些見識。止不過冷氣虛心。甜言美
語。厮收厮拾。斷不了。賺郎君。打子弟。相瞞相昧。他原
肯一家一計。**補庭芳**。我其實怕你。我情願做秋後扇。

子病後牙推。雖是此發風塵。自做得無把壁。不是我
飽病難醫。如今省過也。閑波浪水。再休題樹倒風吹。
若是有此箇真誠意。止不過如魚似水。不是腳頭妻。

與狄兒

從今後一縷頑涎退。再誰想星前月底。柳陰

花影會佳期。總番成綠暗紅稀。安排下詩酒尋朋友。

准備着良媒娶次妻。小姐每都休罪。恁權做桂英女。

子。我且做箇王魁。

與茶

閑茶教性放狂。浪酒將心惑

迷。元來這閑茶浪酒。將人累。則管里春花秋月何時

了。早則暮雨朝雲綠豆皮。也索要已活計。打疊了這

山盟海誓。倚閣起蝶使蜂媒。

與茶

往常時喫麵曾盡

頓餐推磨教他着力推。我想這團香玉成何濟。比
及花殘月缺收心的早。葉落歸秋悔後遲。打笑的都
伶俐。撇罷了這假紅錦綉。消磨了這倚翠香肌。**三**
怕的是花殘蝶亂了心。花闌燕子歸。那里肯依時醞
釀。蜂兒蜜。花心不綻。蜂難採。花蕊包藏。蝶怎知。都不
解其中意。比及花心結果。經了些雨打風吹。**二**
的栽花人使道術。賣花人用見識。採花人不解拖刀
計。傳書寄簡。剗人心膽。剪髮燃香。剗人頂皮。敢將你
腦骨也都敲碎。郎君每試想。早些箇心回。**尾聲**你信
不信。試問咱。聽不聽。全在你。常言道。野花村酒知滋

味。再休做鶯花寨兒裡鬼。

粉蝶兒

妓女收心

子細尋思。上心來痛如刀刺。誰不道我身似花枝子。
為我粉魂。香韻。都立在這六街三市。過往人有
似經絲得來的。拘扳相視。**醉春風**。頻絕着愛何方。敗
殘了無定止。直喫的紅稀綠暗。暮春時。那其間死。
花開時着意。花謝時收心也。強如落殘了。改志。**石榴**
花。本是箇好人家。宅院里女孩兒。想當日錯尋思。舞
裙歌扇不推辭。當時分付與。幘子冠兒。喜孜孜。走上
烟花市。貪見那鞍兒馬兒。上人兒。有錢的與此真誠。

志無錢的。廝推辭。開銀鍋。伴了此。鳳友鸞交。驚見燕
子。席上樽前。任誰任誰敬思。那些俊風流。那些樣子。
那些意思。倚仗着杏臉桃腮。星眸皓齒。滿庭芳。問甚
麼官人令史。耆耒儒流。秀士浪子人兒。但來的與兩
箇相思字。端的是誰害相思。有伎倆越着俺道兒。既
無錢休想通私。便是那些真誠志。恩情意思。誰得俺
半星兒。十二月。無人處三思。無語的。嗟咨。准備着求
衣食的計策。安排着戀漢子的言詞。不使鈔。怎由那
廝見放着。叨腦子。扣兒。堯民歌。叨將來子替恁辦家
私。想他那陷人坑。人那些兒。自嗟自嘆。自尋思。天來

大小罪名兒。若到陰司。神天報應時。有多少虧心事。
上小樓。且休說今年若此。當來何事。見如今肺間咳嗽。心間煩惱。眼前供事。得來的問甚麼。張三李四。上床來早一家無二。**么**知音的猶較可。村沙的拏勢子。有一等查々忽々。喬々畫々。套出人兒。但若是應付不着。早唇三口四。喫敲才也要做好人家。似扶持。**么**
綉鞋。人都道我心間無事。人都道我面帶驚疑。人怎知今年瘦似去年時。不覺的慙了金釧。不覺的瘦了腰肢。寬掩過這湘裙五六指。**耍孩兒**止不過二十三。四西風了却黃花事。減了精神瘦了龐兒。憔悴時病。

身軀恰似繭中絲。人都道我不宜時。滴溜、臍下常
疼痛。冷定、三關閉了脉息。到不的五七年上絕了
事人。又道是退胞老鵝。那里取花酒鶯兒。**三**天可
憐。有一時。烟花簿上除名字。脫了這沾花惹草長衫
子。穿一件紡鳳描鸞大襖兒。遂了我心間事。丟了這
翠花包髻。帶一箇幘子冠兒。**二**當家也會當。使奴
也會使。更添了兩箇夫人字。向碧紗窗下描些花樣。
也強如白玉堦前舞柘枝。逐朝的事。收拾些針線。伴
些箇書櫃箱兒。**一**撇了這不值錢的烟花市。免見
些不養家的浪漢子。棄了這巴家私。心性循行止。早

離了樽前席上歌春唱情願做布襖荆釵無憚辭都
道我收心的是做了箇無憂愁的婦女守着箇有疼
熱的男兒尾聲到冬來燒取箇熱炕兒到夏來住取
箇涼院子。俺夫妻每說取箇家常事到大來無是無
非快活死

粉蝶兒

擬淵明

歸去來兮。嘆人生苦貪名利。我豈肯陷迷途惆悵獨
悲。假若做公卿。居宰輔。剗地心勞形役。量這些來小
去官職。枉消磨了浩然之氣。醉春風想聚散若浮雲。
嘆光陰如過隙。不如聞早賦歸歟。暢是一箇美。棄

職歸農杜門脩道早子死心塔地紅綳鞋泛遠水舟
搖以輕颺送征帆風飄而吹衣望烟水平燕把
我去程迷問征夫詢遠近瞻衡日熹微眇柴桑歸興
急淵庭芳再休想折腰為米落得箇心閑似水酒醉
如泥樂醕並不管家和計都分付與稚子山妻栽
五柳閑居隱迹撫孤松小院徘徊問因宜把功名棄
豈不見張良范蠡這兩箇多大得便宜上小機我則
待逐朝每日無拘無繫我則待從事西疇寄傲南園
把酒東籬三徑就荒松菊猶存規模不廢策扶老尚
堪派懋引壺觴以自酌眇庭柯以自怡有酒盈尊

門設常關。景幽人寂。或命巾車。或掉孤舟。從容遊戲。
北。著箇彭澤縣。較淡中有味。**要訣**。溪泉流出。消。
細。木向陽欣。弄碧。登東臯。舒嘯對斜暉。有兩般兒。
景物稀奇。覩無心出岫。雲如畫。見有意投林。鳥倦飛。
草堂小。堪容膝。說親戚之情話。樂琴書以忘機。**公篇**
或尋丘壑。觀清致。或自臨清流。品題我為甚。絕交遊。
待與世相違。雖是我傲義皇。本性難移。想人間富貴。
非吾願。望帝里。迢遙不可期。已往事都休記。度晚景。
樂夫天命。其餘更復奚疑。**屋**。辭功名則待遠。是非。
守田園。是我有見識。閑悠。無半點為官意。一任駟。

馬高車聘不起

粉蝶兒

蘇卿訴苦

江景瀟疎。更那堪。楚天秋暮。占西風。柳敗荷枯。立夕陽。空凝佇。江鄉古渡。水接天隅。眼瀾漫。晚山烟樹。醉

春風

寂寞日偏長。別離人最苦。把一封正家書。改做

假休書。馮魁不覩。將我來娶。知他是身跳龍門。肯登虎榜。想這故人何處。

紅線鞋

往常時。冬里臥芙蓉。

裊裊。夏里鋪藤席。紗厨。但出門。換套兒。好衣服。不應馮魁。茶負外。茶負外。鈔姨夫。我則想。俏雙生。為伴侶。

柳仙客

見一座古寺。宇蓋造得。非常俗。見一箇僧人。

念經掐着數珠待道是小閣梨。却元來是老院主。俺
是箇擅越門徒。問長老何方去。**石榴花**看了那可人。
江景壁間圖粧點費工夫。比及江天暮雪見寒儒。盼
平沙趁宿落鴈無書。空隨得遠浦帆歸去。漁村落照
船歸住。烟寺晚鐘。夕陽暮。洞庭秋月照人孤。**聞錦鵲**
愁多似山市晴嵐。淚多似瀟湘夜雨。少一箇心上才
郎。多一箇腳頭丈夫。每日家茶不茶。飯不飯。百沒是
處。教我那里告訴。最高的離恨天堂。最低的相思地。
獄**普天樂**腹中愁。詩中句。問甚麼失題落韻。蹣馬騎
驢。想着那得意時。着情處。筆尖題到傷心處。不由人

短嘆長吁。囑付你僧人記取。蘇卿休與。知它雙漸何
如。**上小樓**怕不待開些肺腑。都向詩中分付。我這里
行想行思。行寫行讀。兩淚如珠。都是此道不出。寫不
出。憂愁思慮。忍不住放聲啼哭。**人**他怎知我嫁人。我
知他應過舉。番做了魚沉鴈杳。瓶墜簪折。信斷音跡。
咫尺地。半載餘。一字無雙。郎何處。我則索隨他販茶
船去。**十二月**無福效同儔並侶。有分受枕剩衾餘。想
起來相思最苦。空教人好夢全無。擲飛了清歌妙舞。
受了些寂寞蕭疎。**羌民歌**閃的人鳳凰臺上月兒孤。
趁帆風勢下東吳。我這里安桅舉棹。泛江湖到不如。

沉醉羅幃倩人扶。躊躇躊躇。天邊鴈兒無。遙望把佳
期候。**耍孩兒**這厮不通。今古通商賈。是販賣俺愁人
的客旅。守着這厮愁悶。怎消除。真乃是牛馬而襟裾。
斗筭之器。成何用。糞土之牆。不可朽。想俺愛錢娘。喬
為做。不分此好弱。不辨賢愚。**三煞**娘呵。你好下的。好
下的。忒狠毒。忒狠毒。全沒此子母情腸肚。則好教三
千場失火遭天震。一萬處疔瘡生背疽。怎不教我心
中怒。你在錢堆受用。撇我在水面上遭荼。**二煞**我上
船時。如上木驢。下倉時。如下地府。靠桅杆似靠將軍
柱。一箇隨風倒舵。船牢獄。趁浪逐波。乘轆車。伴着這

離人物。便如冤魂般相纏。日影般相逐。**一煞**他正是
馮魁酒正濃。蘇卿愁起初。下船來行到無人處。我比
娥皇女哭舜。添斑竹。比曹娥女哭江少。一套孝服。則
怕他瞧破。俺離情緒。推眼疾偷掩痛泪。佯呵欠帶幾
聲長吁。**尾聲**比我這泪珠兒。何日乾。愁眉甚日舒。將
晉天下煩惱收拾聚。也不似得蘇卿半日苦。

粉蝶兒

集曲名題秋怨

雙鴈兒聲悲。景蕭蕭。楚江秋意。勝陽關。刮地風吹滿
庭芳。梧桐樹。金蕉葉墜。慶東原。金菊香。滴々金。惟那
更醉西湖。乾荷葉。失翠。**醉春風**我一半兒情感玉花

秋一半兒憶王孫歸塞北。我這應天長久不斷怨別
離。對秋風怨憶。折倒的風流體。紅衫兒寬褪
翠裙腰難繫。**詞客**都不念奴嬌望遠行。忘了初相
見。在武陵溪。罵玉郎有上稍沒末尾。瘦削了柳絲玉
芙蓉花面皮。這翠眉兒攣刺。捱這等相思會。**紅綉鞋**
上小樓。凭闌人立。青山口日上平西。子聽得喬木
鶯鵲踏枝叫聲疾。莫不倘秀才餘音至。夜行船阮郎歸。
元來是牧羊關。烏夜啼。**石榴花**常記得賞花時節。看
花回。上京馬醉扶歸。歸來白半月兒低。真箇醉矣。柳
青娘。虞美人扶只困騰。上馬嬌無力。步嬌美影。

兒行遲。似鳳鸞交配。各雙鴛鴦對。人都道。端正好。夫妻
聞鴛鴦不悞。這萬年歡娛。番做了。剎湘怨憶。把一
箇玉翼婢。閃在瑤臺月底。想曩日。逍遙樂事。迷。今
日。示古。朵自悔。子落得。初問口長吁。哭。皇天。泪滴
天樂空閑了。願成雙。鴛鴦兒被攪。箏。絃。斷。毀。碧玉簫。
塵迷。四塊玉。簪折。一錠銀瓶墜。嘆。因緣。節。高天際。
這淹證候。越。隨。熬。愁。的。想。兩。相。思。病。體。把。紅。芍。藥。狂。
喫。有。藥。聖。王。難。醫。**原**我。每。夜。伴。穿。窗。月。影。低。好。也。
羅。你。可。快。活。三。不。歸。空。教。人。立。蒼。苔。紅。綉。鞋。兒。濕。可。
怕。不。戀。上。別。的。賺。煞。你。

粉蝶兒

集曲名題情

金盞兒裡倦飲香醪。盼到那賞花時甚實曾歡笑。別人都喜春來。唯我心焦。出得那慶東原。離亭宴。暗傷懷抱。貪看那喜遊蜂蝶。戀花稍。想起賀新郎。不知消耗。
醉春風 何日願成雙。幾時能勾端正好。只除是憶王孫。合小桃紅。怎消得這惱。直喫得沉醉東風。武陵溪畔。后庭花落。**迎仙客** 櫻桃般點絳唇。楊柳般翠裙腰。紅綉鞋輕移蓮步小。柳眉顰一半兒嬌。端的有絡絲娘的妖嬈。似一朵紅芍藥。**羅襪鞋** 上平西看日落。念奴嬌。夢斷魂勞。鵲踏枝黃昏里。哨遍林梢。雙

鴈兒呀。叫牧羊關外野猿號。怨別離難睡着。石榴
花綠。白人去。悶難熬。哭皇天和淚洒芭蕉。人月圓家
好。愁殺我也。鳳友鸞交。兩相思真病難醫療。只除倘
秀才赴藍橋。閨錦福。想起那撥不斷恩情。元和令下
稍上馬嬌郎君。省花回最好。歸塞北恩情恨未消。呆
古朵怎放脫了。石榴花裙兒。綿答絮睡着。晉天樂賣
花聲。還驚覺。把一朵雪里梅。生扭的粉碎。臘焦。罵玉
郎傷懷抱。幾時捱得金鷄叫。凭闌人恨殺才敲。一枝
花瘦了。穿窗月底。虞美人難熬。尾聲。醉扶歸入画堂。
輕移步。嬌阮郎歸一去無音耗。空踏遍臺前寄生

草

粉蝶兒

道情

引的是白鹿玄鶴。向雲水鄉那答兒不到。藥籃兒肩
上斜挑。上雲梯。穿石凳。猛然凝眺。不覺地老天高。正
宜咱孟嘉落帽。醉春風。玉露潤菊花肥。金風催梧葉
老。黃花紅葉滿秋山。此景暢是好。野水橫橋。淡烟
衰草。晚峰殘照。**遊仙客**。見一座小道庵。蓋的來一箇
茅。捨俗出家遠市朝。俺那里水烟深。山勢高。四壁週
遭。不許些紅塵到。**紅繡鞋**。親奉得師父指教。向籬邊
去打動勞。摘藤花。挑竹笋。採茶苗。補雲衣。番攤葉。明

石洞蕤松膏。這的是仙家活計了。**瀟庭芳**您道是為
官是好。光陰斷送。催逼了此宰相臣僚。細思量。君起
早時。臣起早。俺也曾子細評跋。譬似去丹墀內穿靴
着袍。怎如俺草庵一丫髻。環條標。寫在凌烟閣。便做
到太師太傅太保。難免折腰勞。**耍孩兒**俺那里香風
不動松花老。比您那帝輦京師較好。每日看神仙神
女住仙庄。俺喫的是仙酒仙菴。俺那里風花雪月人
長久。春夏秋冬草不凋。觀着星曜。清閑落魄。快活逍
遙。**二煞**俺爭將紫府遊。聞把

玉帝朝。輅車鳳輦知多少。三更月底鸞聲遠。萬里風頭

鶴背高。每日價神仙開。也合月窟塞滿天橋。**一**然月
華明甚底。喚一宵日光輝甚的。喚一朝俺住的是長
明不夜通明閣。眼觀白日神仙景。甚的是鍾送黃昏
鷄報曉。時把瑤琴操。獸爐裏。沉醉陶。**尾聲**竹林
寺里無俺弟兄。桃源洞內有俺故交。待教你尋真悞
入蓬萊島。把你濁骨凡胎替換了。

粉蝶兒

牛訴冤

性魯心愚。住烟村飽諳農務。醜則醜堪画堪圖。杏花
村。桃林野。春風幾度。疎林外紅日西晡。載吹笛牧童
歸去。**醉春風**綠野喜春耕。一犁江上雨。利農扶耜受

驅馳。因為主甘分受苦。經了些橫雨斜風。酷寒盛暑。暮烟曉霧。**紅綉鞋**牧放在芳草岸白蘋古渡。嬉遊於綠楊堤紅蓼平湖。画工描我在遠山圖。助田單英勇陣。駕老子驀山車。古今人吟未足。**石榴花**朝耕暮耨費工夫。辛苦為誰乎。一朝染患倒在官衢。見一箇宰輔。借問農夫。氣喘因何故。聽說罷感嘆長吁。那官人勸課還朝去。題着咱名字奏鑾輿。**開鵲鵲**地道我潤國於民。受千辛萬苦。每日向堰口拖船。渡頭拽車。一勇性天生膽氣。從來不怕虎。為侶的是伴哥王留。受用的是村歌社鼓。**上小樓**感謝中書部符行移。

諸處所在官司禁治嚴明。偏下鄉村里正行社長行。叮嚀省諭。寧耕牛的捕獲懲戮。**食**我者肌膚未肥。賣我者家私不富。若是老病殘疾。卒中身亡。不堪耕鋤。告本官送本部。從公發付。閃的我醜屍骸不着墳墓。**冤**足方。嘶冤負屈。春工辦足。却待閑居。園門前見兩箇人來覲。多應是將我窺圖。一箇曾受戒南庄上的忻都。一箇是累經斷北疆王屠。好教我心驚慮。若是將咱賣與。一命在須臾。**十二**月。心中畏懼。意下躊躇。莫不待將我鑿鍾。不忍其骸骸。那思想耕牛為主。他則是嗜利而圖。被這厮添錢買我離桑樞。不覩

是牽咱過前途。一聲嗟嘆氣長吁。兩眼恓惶淚如珠。
兇徒兇徒貪財性狠毒。綁我在將軍柱。**要砍兇**只見
他手持刀器將咱覷。說得我戰都速魂歸地府。登時
間滿地血模糊。碎分張骨肉皮膚。尖刀兒割下薄刀
兒切。官秤秤來私秤上估。應捕人在傍邊覷。張彈壓
先搥了膊項。李弓兵強要了腦脯。**不**却。不道聞其
聲不忍食其肉。剗地加料物寬鍋中爛煮。得美甘
甘香噴噴。軟如酥。把從前的主雇招呼。他則道三分
為本十分利。那里問一失人身萬劫無。有一等貪鋪
咬的喬人物。就本店隨機兒索喚買歸家取意見。

厨**五然**或是包饅頭待上賓。或是裹餛飩請伴侶。向
磁瓶中軟火兒。葱椒煏勝如黃犬。能醫冷。賽過胡羊
善補虛。添幾盞椒花露。你裝的肚皮飽。旺我的性命
何辜**四然**我本是時苗。留下犢田單。用過拈。勤耕苦
戰功無補。還比那展草。垂韁義有餘。我是一箇直錢
底物。有我時。田園開闢。無我時。倉廩空虛。**三然**泥牛
能報春。石牛能致雨。耕牛運土遭誅戮。從今後。草坡
邊野鹿無朋友。麥壠上山羊失了伴侶。那的是我傷
情處。再不見柳梢殘月。再不見古木昏烏。**二然**勸兒
鋪了弓。皮兒鞔了鼓。骨頭兒賣與釵環鋪。黑角兒做

就烏犀帶。花蹄兒開成玳瑁梳。無一件拋殘物。好材
兒賣與靴匠。碎皮兒回與田夫。**尾聲**我元陽壽未終。
死得真箇屈苦。告你箇閻羅王。正直無私曲。訴不盡
平生受過的苦。

粉蝶兒

閱世

自嘆浮生。恁生來恁般薄命。從幼年間。踢透聰明。折
未作文章。通經史。詩詞歌詠。今日掌達刑名。頗諳知
古今律令。**醉春風**折末圍碁。趕箇相知。打雙陸。攀箇
門庭。折末粧饒。小踢賽箇輸贏。不是我逞。折末共
釋道清談。漁樵閑話。我可也略通蹊徑。**明線**折末

道謎續麻合筌。折未道字說書打令。諸般樂藝都曾
領。向人前舉目回情。踈狂性。湖海情。更愛的是弟兄
莫等閑。脚到處人相敬。都為我忒惺。倒擔閣了半
生。幾番待發志氣修身幹功名。爭奈一縷頑涎硬。**花**
榴花。一片惜花心。常是引了人魂靈。但沾着便留情。
玉簫檀板紫鸞笙。向花陣錦營。燕。鶯。悲歡聚散
常無定。落得去秦樓謝館。貪濫風聲。好光陰過眼如
翻餅。到擔閣了錦片也似好前程。**關關雎**。常想着桃
李春風。怎知有桑榆暮景。少年排場。都做了老來罪
名。一件。從頭自三省。都便似夢個驚。看別人去雲

路里飛騰。我到老剗地在秋窪中坐靜。**淵定方**屈指
數班行後生。少甚麼無才無德。無義無能。一跼身平
步登臺省。一箇頭角崢嶸。更做八字拙難和我命爭。
怎生二十年一事無成。我這里羞臨鏡。我呆心兒自
驚。又早白髮鬢邊生。**耍孩兒**嘆榮枯得失皆前定。富
貴由人生五行。花、草、煞曾經。不戀他薄利虛名。
則不如蓋三間茅舍埋頭住。買數畝荒田親自耕。或
臨溪崖。或是環山徑。受用此竹籬茅舍。拜辭了月館
風亭。**四煞**偃山邊建草堂。臨江濱買隻釣艇。我和樵
夫漁父相隨趁。說今來古往非和是。講滄海桑田廢

與興耳畔常清淨。無來無往。無送無迎。**三**新茅柴
沽滿瓶。活鮮魚。旋煮鱸。粗衣淡飯。無拘禁。悶來時看
四圍翠岫。烟霞景。閑來時誦一卷黃庭道德經。到大
來身心淨。非是無錢。斷酒臨老修行。**四**嘆人生似
水上萍。富貴如風裡燈。出門來一步一箇風光景。量
着六斗米司吏。何足數。便陞做千兩俸人員。有甚榮
圖箇甚閑爭競。想十大功韓信。到不如五斗酒劉伶。
尾聲說着做郎君。臉上羞。幹功名。腦袋疼。麗春園子
第埋名姓。邯鄲道先生。這回省。

粉蝶兒

一點情牽

冷雨梧桐。破離雲半床香夢。翠屏深燭影搖紅。酒邊
愁。花底恨。一時間牽動。間阻匆匆。夜迢迢。枕衾誰共
醉春風。難打捱。枕衾寒。怎支吾。更漏永。今生若得遂
于飛。我把你來寵。佛也似皈依。命也似惜愛。玉也
似珍重。**詞聲**。邂逅得相逢。兩情兩情。秋波送。淡月鞦
韆。小院東。**詞聲**。附着耳低低的。過後。舉着案譙。
的陪奉。他將我美名兒。已向心苗裡種。特地裡。癡謎
也似包籠。顧不的蜂蝶。咲情。是麼魚雁通。也是那情
濃。來意濃。**詞聲**。他愛我能吟咏。我愛他不凡庸。擔
定着怕恐。因此上。打不開。分不散。兩情同。想註下山

海似姻緣重。**快活三**。你若是真真的有始終實實的
肯姑容。你若甘心不厭我愚蒙。不枉了我常稱誦。**四**
老兒。我為他握雨携雲。少定蹤。被了此人譏諷。他為
我帶月披星。苦用功。受了此人搬弄。若是他同我同
文君之分。司馬之風。管取他心我心。生前厮守。死後
相從。**尾聲**。好音也。既通深恩也。已蒙。有一日雙雙穩
跨秦臺鳳。把玉觴親奉。笙歌春醉錦堂中。

粉蝶兒

幽居

旅寄山東。細思量老來無用。向荒村循理埋名。草堂
幽。牆院閑。把柴門掩。睡也不聞。暮鼓晨鐘。樂身閑耳。

清身靜醉春風自從識破鏡中天。原來便似心上元。

中前事業總成空。到如今省。我把這萬卷詩書。百

年活計。都做了一場春夢。紅綳鞋安樂窩琴書遣興。

寒玉臺松栢孤青。閑來時展花牋。背寫醉翁亭。妻兒侍

左右。日月走西東。樂閑人心自省。石榴花柴門靜坐

也。春風四時佳興人同。等閑不與利名爭。趁桑榆暮

景。蘭菊秋容。三荒復理開幽徑。小床低炕。煖幽明坐

間。把酒添詩興。朗吟風月歲寒亭。關雎管甚麼孰

是孰非。自憐自省。樂道忘貧。離鄉背井。鹿衣糲食。隨

時用。止不過守着這陋巷簞瓢。那里有重裯列鼎。

天樂氣神清。心安靜。撫琴鼓瑟。吟月朝風。擎杯鸚鵡
飛。舉筆龍蛇動。進退榮枯皆由命。淡生涯。女織男耕。
七里灘。閑殺子陵。八陣圖。忙殺孔明。五柳庄。醉殺陶
令。**上下樓**自憐自警。休爭休競。忍事饒人。藏舌閉口。
靜掩柴門。講黃庭。念道經。賢傳孔孟。養道人。樂天知
命。**公**嘆自家時運乖。非干是道不行。見如今四海無
虞。八方無事。萬國咸寧。素賢者少。愚者多。賢愚交勝。
這貧和富。總關前定。**淵底芳**乾坤治平。民安國泰。海
晏河清。萬民樂業。一人慶聖德。涵弘宸位。遠群星向
明。海量寬。萬派朝宗。韶光勝。素榆晚景。俯仰太平風。

要狹兒

喜得是四夷萬國干戈定。六合八方宇宙寧。

河清海晏禎祥應。幸逢堯舜為真主。不學巢由作外

卿。脚到神仙洞。相伴看山中樵子。水上漁翁

十一

美唐虞治世寬。喜滄浪水正清。自憐老拙非時用。整

竿鉤線臨溪釣。南畝荒田帶雨耕。真是吾家幸。一身

飽煖。萬事無能

十

為這性昏愚。遠市朝。無才學。趁

下風。茅齋蓋處尋幽靜。自從白屋親農叟。懶向青雲

探月宮。獨樂田園俸。遂著老農莊園。四季營生

九

到春來。賞清明三月三。整杯盤祀祖宗家。院落鞦

韆送雨催春色。飛來甕。風送花香入酒中。一弄兒新

佳景上林鴈叫。谷口鶯鳴。**入**到夏來設蘆席坐柳

陰。會知音三兩人。田園瓜果堪時用。瓜浮水甕漂孤

月。柰浸水盆落衆星。曲唱新時令。**入**斟白酒扇握清

風。**七**到秋來賞重陽九月天。會當行親與隣東籬

賞菊希陶令。黃鷄啄黍脂漫腸。白酒初熟味正濃。要

把豐年慶。**三**蠶老滿五穀收成。**六**到冬來靜幽

掩柴扉。看瓊花瑞雪傾煨爐撥火星辰動。酒斟玉斚

銀河泛。詩詠花箋戰鼓鳴。詩酒逼寒冷。歌兒舞女煖

煖烘。**五**喜逍遙四季閑。任功名兩字空。自慚朽

木堪何用。寧如塞上翁失馬。不管池中魚化龍。無尋

無榮田舍翁。懶起群星衆。我向林泉有足。官府無名。
四 **張** 愛閑人終得閑。避名人不顯名。專心致力尋幽
靜。三江口。拜別周公瑾。七里灘。相謁嚴子陵。知止心
身定。一任教鴈飛南北。人走西東。**三** **張** 恰纔見圓、
日落西。熒々月轉東。兩輪日月無私鏡。任他天上搬
昏晝。不管人間有死生。急々將人併。**一** 的那朱顏憔悴。
白髮鬢鬆。**二** **張** 草近九月枯。人活百年終。寒來暑
往無歇室。恰纔見柳絲春。雨漫天綠。却又早楓葉秋
霜滿地紅。世事如翻餅。古今興廢轉首成空。**一** **張** 花
開花又凋。月圓月又更。榮枯遞轉相催併。光陰急々

如流水。世事紛々似轉蓬。死後貧富同一塚。你試看
漢陵楚廟。兔跡孤踪。**屋廉**知命人坦蕩。不怨天。樂
道人靜幽々守固窮。六十年一枕通宵夢。直等待滿
盡更殘。那時節省。

粉蝶兒

歸隱

歸去來兮。出塵寰。綽然恣意。納還了靴簡朝衣。過了
深坑。經了險路。不付能得占平地。趁西風拂袖而歸。
樂閑身永絕名利。**醉春風**。纔離了帝王畿。早來到吾
鄉里。入門稚子。笑牽衣。好教我喜々。朋友相詢。衆親
清話。滿堂和氣。**紅綉鞋**。急流中忽然湧退。半程兒便

覓歸期。心為形役。獨何悲。迷途尚未遠。倦鳥不欲飛。
因此上。樂田園。松菊羨**晉大樂**。覓幽村。尋活計。耘瓜
南畝。種菊東籬。盈疇禾黍香。滿目山峰翠。獨倚南窗。
安容膝。撫瑤琴。風力吹衣。操一曲高山流水。釣一竿
鉤頭新鯉。賦一篇歸去來辭。**上小樓**。幽村過日。柴門
深閉。不管興亡。不觀邪正。不知是非。治三荒。栽五柳。
蕭條活計。消磨盡古今興廢。**小想**。人生能幾何。嘆光
陰似過隙。則不如靜裡。琴書悶中。美酒閑裡。圍棋樂
天命。修道德。抱仁懷義。養一身浩然之氣。**淵慶亭**。君
子人。隨時見機。都只為中途荆棘。別尋箇小徑而歸。

室讀了五車書不濟當時溺。且不如狂啞推痴。見如
今哲人萎賢途否塞。太山傾梁木摧灰。空費了中條
力。為山漸虧。因此上拆卸了上天梯。**耍孩兒**徒懷報
國安民藝。時已危難推箇道誼。自來麒麟不與耕牛
閑。鸞鳳不同燕雀飛。薰蕕不一器。世無周公孔子。顯
不出盜跖桓魋。**十煞**一、將大道明細。二、將今古推
孟軻正理。拒揚墨。我這里全憑經典。闢邪說。又恐怕
傍人講是非。不解其中意。自來賢愚不等。善惡難齊。
九煞從前錯怨天。如今纔省得。忽然豁透天地理。榮
枯枕上三更夢。成敗盤中一着棋。日月搬興廢。閑來

飲一杯悶酒。展兩葉愁眉。**（煞）**所行將天爵尊。所看
皆墳典集。五經歷。說一會。赤緊的。清音不入常人
耳。聽者雖多達者稀。不如緊把舌關閉。潛頭袖手。掩
戶絕扉。**（七煞）**一年四季中。光陰似箭疾。榮枯遞轉催
人世。眼前禍福誰能料。明日陰晴怎得知。何必貪高
位。則不如野花村酒。快活便宜。**（六煞）**到春來賞郊園
爛熳花。聽上林鶯鶯啼。騎着箇骨瘦毛長驢。一壺村
酒竿頭挑。數首荒詩逐景題。遊賞在花園內。尋幾箇
詩朋酒友。只喫的酩酊而歸。**（五煞）**到夏來避炎陽在
五柳間。趁濃陰一葉席。把熟甜瓜打的凍凌碎。甕頭

醪酒無帘壓。頭上摘巾。渾漉着喫。一點甘如蜜。山妻
搖扇。稚子傳杯。**四**到秋來慶豐年。社鼓敲。安排下
擲卓盤時新食。肥透嫩鷄。脂漫着脇。遊九天明月
觀金菊。會三島仙翁。飲玉杯。翫賞重陽會。行歌松徑。
醉臥東籬。**三**到冬來。臥着那煖烘。熱炕頭。穿着
領厚敦。粗布衣。可床做四幅綿衲被。一任教飄。
瑞雪。屯門戶。除睡人間。總不知覺來呵。胡收拾。爐煨
白酒烹宰黃鷄。**二**喜逍遙。四季閑。戀茅亭一所宜。
有鴻儒談笑。無俗氣。白雲出岫。琴書潤桂子。風飄香
滿衣。伴三益真朋輩。傲霜似松菊。欺雪若寒梅。**一**

我如今百歲太平過。樂天命永不疑。璇璣造化誰人識。壽夭富貴皆由命。進退安危不在機。空用分毫力。一朝省悟。萬事休題。**尾聲**。每日閑逍遙。趁酒家。直喫得醉醺。暮夜歸。一晚來睡徹三竿日。床直下山妻喚不起。

粉蝶兒

甘貧

固守寒微。樂天命不思榮貴。掩柴門。躲是潛非。一任教這箇言。那箇語。將咱侮戲。本來知却做不知。且抽頭莫爭閑氣。**醉春風**。遣興數篇詩。遂心一管筆。覽今博古。喻前賢。大抵來論箇理。把往日名場。昔時利。

路。到如今棄之於地。**紅綳鞋**。再不想蠅頭微利。再不想蝸角星輝。再不想鵬程萬里。播天飛。再不想登雲路。再不想上天梯。喜的是避風塵。茅舍底。**晉天樂**。歲寒心。浩然氣。困中修養。難裡扶持。人憐我受貧。我笑人未識。古往今來英雄輩。覩黃金有似青泥。但得箇清名不毀。腎中有藝。管甚麼腹內無食。**上小樓**。聖人道安。不忘危。窮不失義。我從來富而無驕。貧而無諂。困而無危。問甚麼穿惡衣。食惡食。虛靈不昧。養一身浩然之氣。**六齋**。合受榮也。受榮。合忍饑也。忍饑。山不更名。人不改姓。道不那移。史魚直。顏回德。恰便似青

天白日。這兩箇身雖歿。有名在世。**猶庭芳**。心存道義。
問甚麼身寒腹煖。體瘦神疲。居安莫管。形容悴。靜裡
忘機。湖水中埋名。范蠡。陋巷中隱迹。顏回。瑚璉器。時
人不識。惟有老天知。**要狹兒**。安居樂道。修碩德。一任
他人知。我不知。有詩書筆硯。同相會。喜的是數椽茅
屋。接天遠。兩葉蓬。白暝日底。到晚來。落覺安心睡。也
不聽三更犬吠。五鼓鷄啼。**六點**。貧居難。不敢辭。守經
常。豈敢違。行藏要合天地理。夷齊固守西山餓。孔子
甘貧陳蔡餓。也飽清風味。俺不失一時困節。落得萬
古名奇。**公孫**。養浩然。膏次高。樂簞瓢。名不低。這兩箇

廣居仁義包經濟。一箇三千徒衆標名姓。一箇七國
行遊四海知。道統傳千世。恰便似青天浩。華嶽魏
巍。**四**想忤貞曾品簫。呂蒙正曾題筆。古人未遇遭
淹滯。時來神鬼陰靈助。運去英雄傑輩欺。逆順皆天
意。我怕待功名成就。赤緊的時運乖危。**三**論興亡
不敢言。聞是非不敢題。藏舌閉口休爭氣。心無利己
瞞人術。自有皇天后土知。守本分全身計。也不問誰
長誰短。誰是誰非。**二**嘆平生我為人。敬神明心不
欺。施財濟困周親戚。人憐漂母情何厚。我笑淮陰志
節微。男兒漢無廉恥。若將夷齊相比。便自有高低。**一**

照人咲我誇大言。大綱來論道理。聖人教同天地。光前絕却周公旦。繼往開來孔仲尼。勲業無碑記。恰便似青天湛。赤日輝。**尺**講了一會明天心。周公書。看了一會合神機。顏孟術。男兒漢。有志出乎類。便死後也做一箇袁安傲世鬼。

粉蝶兒

慳吝

節儉為活。幹家心。委實不懦。無明夜勤苦奔波。常則是。忍些兒饑寒。熬些兒酸澁。憤些兒行貨。說喫穿。怎敢張羅。題起箇寵字兒也。魂驚膽破。**醉**春風。我只待咬嚼別人。別人休來侵害着我。見幾箇相識朋友上。

門來。小生抽身見早縣。聽的道置酒張筵。拖觔拔
髓。忍嘔不過。**晉天樂**。一任您笑賤呵。羨乞餓。誰似俺
口腹中積債。牙齒上騰那。你看那待賓客的。麩糲。
應節令糠鍋。早飯白粥。晚食過。到晚來又揀和。
似這般家常飲食。随心受用。更待如何。**快活三**。官人
是夾細哥。娘子喚乞賤婆。同心合意。做家活。怎教肯
分毫錯。**朝天子**。下飯呵。鹽醬着筋。截開齋呵。脂油將
嘴抹。解饒呵。嘲指頭把。鹹魚來摸。見了那時新的滋味。
則着眼兒賤。嚙了涎和唾。雖有此夾細的名聲。
却無那奢華的罪過。任傍人笑我。我死呵。便拖。休動。

着咱松紋鏢。四逼靜。親戚何須燒烙。隣里不必炒爇。
撈、拖。指望相酬賀。寡茶熬下半鍋。灌的他軟飽。
來由他坐脫布衫。又不是久白風魔。又不是一夢南
柯。又不是大時大節。又不是着饑忍餓。小兒。却怎
生打夥兒拴通來撒料。泛着怪客的嚶囉。沒來由
平地里起風波。却教我如何過休。為這口腹上惹下
干戈。五篇逼臨了人命難結末。緊些兒我便自抹。枉
念聒。乾咂噓。誰敢道三聲真個不覓井。便投河。石榴
花。說的那親戚朋友。走如梭。誰敢慢延磨。着咱計策
好粧料。他到將咱來取撮罷波。作耍來也麼哥。我

便道回席一節都丟過。從今後再敢來麼。他們都對
天說誓齊聲喝。再來時也只是談些夾細。講些慳吝。
說些齷齪。**蘭鵲**再休題品味珍饈。那里也杯盤酒
果。止不過數米調湯。更那堪根柴把火。似這般龐過
活。是若何。更不如画餅充饑。我只待望梅止渴。**止小**
見人家三湯兩割。喫卓看卓。你看我將袖揎拳。狼
餐虎嘍。恨少貪多。大食籬。小包裹。收拾起座。把幾箇
使從人眼睛睜破。**公篇**見鄉親到俺家。也待學大手
脚。一碗蔓菁。半瓶涼酒。兩個磨。他一個我一個誰
曾咬破。五六個瘦團臍。到除下三個。**癩處方**從今後

休來害我似這般一時間受用。到勾俺十日消磨。今
番負痛猶閑可。慶官酒怎的殺割。輪着次第兒實。
的到我。只說的個且消停慢慢。由他。我待推來又推。
不過待請來其實的怕多。因此上兩耽閣。**耍猴兒**告
神天何時展放眉頭鎖。慶了官諸餘的較可。街坊隣
里莽邀喝。衆親朋暗。的擠撮。他們雖不曾敲牛宰
馬排筵宴。他也曾擔酒牽羊過果盒。道恭喜作慶賀。
免不的搭席棚。收拾座榻。整厨竈。刷洗下沙鍋。**十款**
回席待衆賓。開筵列綺羅。今番看我把這怪來破。丹
青幘上新鮮味。水墨圖中奇異果。雲中鴈飛騰過。體

泉郡井巷白酒。右軍池水饋的肥鰱。**八然**更有那結
了子蘿蔔頭。攪下苔的芥子柯。乾蔓菁晒下有十餘
箇。應時的蔬菜雖然少。喫口的珍羞不用多。喫呵喫
休眼皮兒餓。更有些掉抹來的孤兒點剝。添換上是
蕎麥麪的飴餠。**八然**大柿餅擺下幾双。乾軟棗定上
八箇。禿了的果子十餘箇。空了的榛子分做三處。油
沁了的核桃。措了五卓。用意兒對付了這五盤果。待
賓朋只圖好看。潑家私那討若多。**七然**往常時喫別
人的汗似澆。到今番喫我的淚似接。庖丁行磨石。閑
節兒先題破。背皮煮爛。何須按猪首。燒殼且慢割。不

移時天色暗日頭落。却元來是風雲慶會。雷雨交作。
六割胷子。用了四指脆骨。獻猪頭。使了兩双耳朵。
盤腸膚肋。都只是虛邀喝。厨頭燒炙。也只是提名件。
爐裡乾燻。都只是假念聒。那裡有此兒箇。會支分的。
東家省儉。聽使喚的。局長斟酌。**五**碗兒裡。青龍罩。
碧波。雙龍戲珠顆。衆星捧月。名兒大襯。揲子的骨棒。
插翅般大。蓋面子的腰脂。紙葉似薄。待動筋。沒着摸。
衆鄉隣。啞唇啖嘴。主人家。睜着瞧科。**四**小生喚點。
湯。賓朋索散火。一天風雨。救了咱全家禍。盼歸家的。
遠客。實心兒。逃迫。逃席的。東君假意兒。拖。不移時。棚。

兒漏又難存坐。恁只道遭風雨。主人慳客。我道來感
天地節令調和。**三**慌的那官人。每把上蓋兒。疊娘
子。每把綉鞋兒。脫跟隨。使從的都在人家房簷下躲。
新鮮的錦綉稀泥中污。濟楚的衣冠大雨裡濯。惱殺
他喜殺我。着雨的憂心悄悄。得手的大哭呵呵。**四**
羊背皮着熟醬擦。燒豬頭着滾醋兒潑。殘零的按酒
着椒鹽兒抹。隄防着冬至從消受。準備着新正再享
活。那其間用不用還由我。似這般全無撙節。到頭來
定受折磨。**五**炒菜水休要丟。煮肉湯爭忍潑。樸兒
中剝菜。又有俚來箇。不分老少由他喫。那問尊卑一

例喝。只有兩件兒難發落。饅頭皮晒成醬。黃菜餚兒
揀做和和。**隔屋**。熟菜蔬充了飢。腥湯水解了渴。乍喫
葷的肚皮兒都傷破。家僮瀉倒難跟馬。荆婦攆翻怎
上鍋。連我也美的沒殺合。出來的直腸直肚。東廁裡
做不的存活。**尾聲**。輪到咱。輪到咱。沒奈何。沒奈何。這
場破費敢道有天來大。再題起回席兀的不說殺我。

粉蝶兒

富文堂陳大聲作

萬卷圖書錦亭臺鬧花深處值

清朝事簡公餘

寵光深。人物勝。德星相聚。坐客無虛。要平收午橋佳趣。

南宮顏回

談笑有鴻儒。盡是文章傳侶。綸巾布幣。交

叅紫綬。華裾飛觥。走筆看笙歌。羅列尊罍具。樂陶

景媚時良。開大艸廣情舒。

正興

到春來策吟筇。

劉詠徹梅巷句。喜春和。試羅裳。閑倚遍闌干。玉。趁春

晴。縱青鞋慢踏。損蒼苔綠。恐春深下珠簾。不放入。垂

楊絮。無意送春歸。有心留春住。分付杜鵑聲。省可催

春去。

南宮天樂

綉幃遮銀屏。護芳艸。逞妖桃。鳩好相

看。照眼芳菲。怕甚。壓妬。春風雨。幾番痛飲。西園暮雨。

行紗籠。燒銀燭。海棠風。蕩漾紅綃。薔薇露。點滴明珠。

有清油小蓋。畫壁輕車。

正興

開雕楹。燕子鶯雛。

點清池。睡鴨飛鳬。紅萱草芳。麝半吐。紫丁香細。心微
露。坐對南薰。倒玉壺。細切香蒲。荷苞十里錦雲鋪。
聽一片歌聲度。風月賽西湖。山小。溪洲。蟬聲兩。鳴
南樹。夢初回。碧簾紗。慙開將。綠綺彈。靜把黃庭註。蘭
湯新浴罷。長日一塵無。南雁過。規模潭。相府。堪
寫入王維畫譜。水沉一縷。搏香霧。笑三閭傲陶朱。正
好懷寬放。吟骨清臞。汲泉煮茗。調水雪藕。納涼揮麈。
把人間一時熱惱盡消除。正醉太平。恰金風送暑。早
玉露滴梧。碧天涼冷。雁來初。與知音四五。駕長風。捉
下天邊兔。學長鯨。吸盡杯中物。弄長竿。掣得水中魚。

任狂歌恠舞

南傾盆

須臾十日霜。幾夜風催綻東

籬菊。砌湧層巒。泉飛靈竇。橋橫幽洞。門俯清渠。賦成
鸚鵡。孟傾醕醖。帽挿茱萸。又何須登高戲馬。憶東徐
北傾郎兒。犯寒不到重簾深戶。錦片似氍毹。低簇簾
鈎。十二控珊瑚。下着錦帳。擁着紅爐。對着玳筵。前粉
一攢花。一簇。捧着羊羔。斟着馬乳。勸着瓊酥。有繁絃
急管。每分曹部。演呈祥敵壽梨園。這詞賦吹的吹彈
的彈。教習得精熟。翡翠鐙。滌龍團。鳳餅壓盡陶穀。氣
昂。居着清要名赫。執着金吾。安享昇平無限福。

南小桃紅 侍

虞廷陳禪補入洛杜論今古虎帳談兵嚴法令施鎮撫
古來幾箇文兼武眼前那有清而富更那堪謙德通
疏上作讀書簡書文半逼蘓詩律法全學杜走蚓驚
蛇寫一筆唐懷素好奇觀雅玩娛心目有商彝周鼎
多陳布所事俱足南笑賢歌遍江山古跡圖總金石
名賢錄博考索精求慕看金甌名姓覆專閫計請兵
符統雄卒運奇謀破妖胡敵降俘試看他拜將封侯
談笑取飲尾堂須造盟可續本是騷壇放浪徒豈待
公孫折簡呼

粉蝶兒

春夜歸思

三弄梅花。戍樓中角聲吹罷。月輪兒斜映。幽紗托香
腮。湮淚眼。一篝燈下。展轉嗟呀。耳邊言。都做了一場
閑話。**南江瀨回**薄倖忒情雜。不比尋常戲。要出門容
易。而今海角天涯。歸期歲晚。轉頭來過了。春和夏去。
時節霜老芙蓉。却又早水冷蕪葭。**北石榴花**我只向
綠窗前。斷送下好年華。許多時。胭脂不曾搽。九回腸
翻倒的。越窄狹。幾半官殺鬼。病增加。一會家告蒼穹。
問箇龜兒卦。不明白。甲乙交叉。猛然間。撚起香羅帕。
肯分的。綉一朵並頭花。**南江瀨回**奸猾心性忒難拏。
瞞人利齒伶牙。悠揚不定。猶如風裏楊花。千思萬想。

恁從來色膽天來大。恐習學竊玉偷香。唐突了相府
高衙。 **正關** 鶴鵠惡離別動歲經年。又不比此時暫霎。
恨壓損眉黛雙彎。瘦減盡腰肢一搯。我這裡暮朝
朝想念他。何曾繫掛咱。不能勾碧漢乘鸞。只落的
垂楊繫馬。 **南撲燈蛾** 恩情如撈沙。清苦似嚼蠟。知他
在那裡偎笑臉。虛擔着許多驚怕。也不須尋消問息
到頭來終有箇還家。風流罪招由細數。從頭來一椿
椿一件。細詳察。 **正小樓** 我自来無玷瑕。他從來
知禮法。平白的受盡淒涼。擔着寂寞。遭些折罰。眼見
的漏泄銅龍聲。喧錢馬。香消金鴨。我這裡最難熬暮

冬殘臘

南樓望蛾

風兒颭，亂刮雪兒紛，密洒淒

淒的鳳枕單沉，

的鴛帳冷薄，的綉衾寒壓，

的銀燈爆花鳴，

的城上吹笳，的殘更正煞，

呀的曉天啼散樹頭鴉，

同

文君再把香車駕，只恐琴

心調弄差，返與相如做話把。